

सुजुगिरिनि खोलोम

फोथायनायाबो सुबुं माहारिनि गेजेराव गोजोन लाबोयो

फोथायनायनि बेलायाव बयहाबो उदां सानसि लानानै गावबा-गावनि नेम खान्थिजों सिबिनो हायो बिब्जिजोंसो हालामाव गोजोन लाखिनायाव मदत फैयो। जाय जेखों फोथायदों बेवहायनो सैथोखों मोन्दों गोजोन्नाय लादों। मुलुगयाव अबंलाउरिखों जाय जेरैखि मुं दोन्नायै गाबत्रिया एबा सिबिया मानो थोंजोडे एबा खेंसालियायै लामा सौहै नायनि थोंखिया नाथाय मोनसेयानो। बेनिखायनो जायखि जेखि फोथायथिजों सिबियामानो गोजोन थासारिया फैयोब्लानो सुखुयाबो फैयो। गोजोननि बाधायवाव रावबो-रावखोंबो थोंखिनानै दुसिलायनायनि बाध्या फै या। जिउआव सुखु गोजोन हास्थायनाया गावबा-गावनि जिउनि गोसो-गोर्बोनि थाखायसो, गुबुननि थाखाय नडा। गावनि जिउ खानाय आरो गोजोन जिउमानि थाखायसो सुबुंला गोजोनखों लाबोयो। गुबुननि थाखाय गोजोन थासारिखों सुबुंफोरनि गेजेराव लाबोनायनि सोलायै दोहोननि गोहो बोलोजों गुबुंले खालामनो नाजानायखों नुनो मोनसै। जायनि बिजाउनाव दिनें मुलुगनि दाब-दाब हादतफोरव गुलाय-गुजाय जानाय आरो गावबा गावनिखों गुबुननिखुइ गोजौसिन थाखोयाव दोन्नो नाजानाय नुनो मोनो। थाखो रन्नायनि मुडाव गुबुनखों सुसिनाय, इनाय-अनागारि हाबा मावनाय आरो समाजआव फाराग लाबोनाय आरो गुबुंले थासारि सोमजिहोनो नाजानानै समाजआव गात्रि हाबा-हुखाखों बांहोनो नाजानाय नुनो मोनो।

समाजखों गोजोन आरो गेना गैयै गोगो महैरै दैदेनलानोब्ला समाजनि साफ्रोम सुबुं आरो नख'र गहाइ सुबुंनि बिबान थायो। आधिखालनि समाव जौगानाय हादत आरो हारिफोरजों समानै सिगालानायनि थागिदायाव लाइमोनसमाजआ बाइदिसिना गोरैन्थि लामाजों आगान सुनो लानायखोंबो नुनो मोनो। बेनि जाउनाव दिनें समाजआव सम सम फेग्रा मुवानि बाहायनायजों गुबुंले थासारि फैनाया समाजनि बयखोंबो जिगा सिहोदों। मानोना फेग्रा मुवानि बिजाउनआ समाजनि फारफ्रोम बिथिडवनो नोजिया खालामनो लायो। दिनेंनि समाव ड्रगस एबा फेग्रा मुवा गुबुननिफ्राय हादतआव हाबफैनाय आरो बाहायनाय बांबोनायखों नोजोर होनानै हादतनि नख'र मन्थिआ बेनि हेंथायै उतखारिफोरनि हेंथायै लानाय बादिनो रहा लानो बाध्या बुंदों। बेराफारसै जौनि राइज्योयावबो फेग्रा मुवानि हेंथायै सरकार बाइदिसिना गोखों रहाफारि लागसिनो थानायखों नुनो मोन्दों। सरकार फेग्रा मुवा लोबोनाय-फन्नाय आरो बाहायनायनि हेंथायै गोखों रहाफारि लाबाय थानाय समावनो मैया मुंदांखा सावथुन फावखुंगुर शाहरुख खाननि फिसाज्जलाखों मोनसे पाटियाव फेग्रा मुवा बाहायनाय आरो मोन्नायनि दायव हमजानो गोनां जादों।ह

दिनेंनि फान्जामुथि

राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ड फ) मकर : ख ज कुम्भ : ग श (स) मीन : द च (ख ज झ)

मेष: सुथुर जालानानै थानाया जोबसांगोन। गोजोनै थानो हागोन। मोजां सम।

बृष: सान्नाय थोंखिआ फैमाल थानो हागौ। सानानै खामानिखों मावनांगोन। थासारिया मोजां नडा।

मिथुन: मानिबा जारलायाव गोलैबायनो हागौ। गोजोन्नाय गैयैजों समखों हगार हसनांगोन।

कर्कट: जेखि जाया साहस खालामनानै मावलांनो नाजानांगोन। थोंखिया जाफुनो हागौ।

सिंह: बायदिसिना खामानिनि थाखाय गोबां रं खरसा जानानै दाहार लानानो हागौ। हमथानानै सोलि।

कन्या: जेखियानो जाया खामानि मावनायाव गोहोम खोख्लैनो हागोन। मोजां सम।

तुला: सोरजोंबाफोर दावराव-दावसि जाफ्लांबायनो हागौ। जेखि जाया गोसो हमथानांगोन।

बृश्चिक: रंजा-बाजाजों दिनखों हगारहरनो हागोन। गोसोआ गोजोन मोनगोन। फारफ्रोमथिबो मोजां।

धनु: मोजां रंग'थि जानो हानायनि थाखाय बयनिबो सन्मान मोनो हागोन। गोजोन्नायखों मोनगोन।

मकर: सुथुरआ जेथिबो बांनो हागौ। जेरैबो नोजोर होन्नानै सांग्रां जानानै थानांगोन।

कुम्भ: मानिबा जाहोननि थाखाय देहाखों खरस्ट मोनखांनो हागौ। सांग्राडे थानांगोन।

मीन: बिसिनि माबा मोनसे मोजां खीरां मोनो हागोन। नख'रआ सुखि जागोन। मोजां सान

आथिखालाव ब्रिटेइनिफ्राय फैनाय दावबायारिफोरा भारतआव 10 साननि आइसलेट थानांसिगोन



गोदान दिल्ली, 4 अक्टूबर: भारतयारि दावबायारिफोरनि सायाव ब्रिटेइनआव सोलिनाय करना होबथानायनि गेजेरजों भारतआवो गोखों फिन्नाय होयो। आथिखालआव ब्रिटेइनिफ्राय फै नाय दावबायारिफोर भारतआव 10 साननि आइसलेट थानांगोन। सरकार थानाय शुक्रबारखालि बे बिथोनखों फोसावो। बेनि अनगायैबो इउकेनि सुबुंफोरा आरटिपिसिआर टेस्टबो खालामनांगोन। बे बिथोननि बायदिल्ला, दावबायारिफोरा भेक्सिननि ड्रप थुजाखानायनि उनावबो टेक्ट खालामनांगोन। दावबायारिफोर दावबायनायखों जागायनायनि 72 घन्टा सिगांसिमाव आरटिसिआर टेस्ट

खालामनांगोन। बे बिथोना 4 अक्टूबरनिफ्राय जागायसिगोन। बे बिथोनखों फोसावनायनि माखासे सम उनावनो ब्रिटेइनआ बेनि सायाव गावनि फिनजाथायखों होयो। अदेबानि भारतआव थानाय ब्रिटिश हाइ कमिसननि बुंथिगिरिआ बेनि सोमोन्दै बुडे ब्रिटेइन सरकार भारतआव थुनाय भेक्सिनखों गनायथि होनायनि सोलोखान्थिनि सायाव भारत सरकारजों सावरायगासिनो दड। मख'नो गोनांदि, ब्रिटेइनआबो कभिशीलडखों गनायथि होबाय। नाथाय भारतआरिफोरनि थाखाय माखासे रादायफोर होदों। बेनि सायाव भारतआ रागा जोंदोंमोन। ब्रिटेइनि गोदान नेमखान्थि

बायदिल्ला, कभिशीलड भेक्सिननि मोनै ड्रप थुजाखानाय भारतआरिफोरा ब्रिटेइनआव सौहैयोब्ला दासिमआव 10 सान क्वारेन्टाइनआव थानांगोन आरो टेस्टबो खालामनांगोन। भारतआरि नोगोरारिफोरा ब्रिटेइननि बे थोंखिखों खामानियाव गैया होन्ना फोरसायदोंमोन। बेनि फिन्नायाव ब्रिटेइनआ कभिशीलड थुजाग्राफोरजों जेबो जेना गैया बुंदोंमोन। बिसोर भारतनि भेक्सिन सार्तिफिकेटनि सायाव जेबो फोथायनो हाया। बेनि सोमोन्दै 24 सेप्टेम्बरआव भारत सरकार जों ब्रिटेइननोबो बेबायदिनो फिन्नाय होनो हागोन होन्ना बुंदोंमोन।

उन्दैफोरनो कभिड-19 भेक्सिन थुनायाव गोनांथि बादियै गथ 'फोरखौ नोजोर होग्रोनाय जागोन

गोदान दिल्ली, 4 अक्टूबर: हादतआव उन्दै गथ'फोरखों करना इनफेक्सननिफ्राय रैखाथियै लाखिनायखों लानानै थियारि खालामनाया जागायबाय। फेनो गोनां माखासे सानफोरनि गेजेराव उन्दैफोरनि कभिड-19 होबथाग्रा भेक्सिन थुनाय हाबाफारिया जागायनो हागौ। एन टि ए जि आइनि आफदागिरि डा'एनके अरड़ाया बुंदोंदि, हादतआव उन्दैफोरनि थाखाय कभिड-19 भेक्सिन थुनाय अभियाननि जागायजेन्नायाव बयनिखुइबो सिगां गोब्राब बेरामिजों भुगिनांनय उन्दै गथ'फोरखों खाबु होनाय जागोन होन्ना खौरगिरिजों मोगा-मोगियाव



डा-एनके अरड़ाया बुंदों। फेगौ माखासे सप्ताहनि गेजेराव फारिलाइखों राइज्योयारि महैरै फोसावना होनाय जागोन। हादतनि गुबुन गुबुन बाहागोफोराव बेबादि राहाफोरखों खालामनाय

जादों, जाहाथे बेरामि उन्दैफोरा करना भेक्सिन थुनो थाखाय गोबाव सम नेनानै थानाडा आरो गावबा-गावनि जिल्लायावनो कभिडनि भेक्सिनखों गोरलैयैनो मोन्नो हायो।

हादतआव 200 साननि गेजेराव खमसिन करना पजिटिभ केस मोन्दों

गोदान दिल्ली, 4 अक्टूबर: हादतआव करना इनफेक्सननि थासारिया लान्थियैनो सावसांबोगासिनो। हादतनाडेनि करना केसआ फिन दावखलायबोदों। थानाय 24 घन्टयाव हादतनि गुबुन गुबुन राइज्योफोराव करानि 20,799 केस मोन्दों आरो सा 26,718 बेरामिफोय मोजाडाव फैफिन्दों। फारसेथिं बे समाव हादतनाडे सा 180 जिउ गोमायो आरो 2,64,458 बेरामिफोरा फाहामथाय लागसिनो, जाय 200 सानफोराव बयनिखुइबो खमसिन। हादतआव करानिफ्राय मोजाडाव फैनाय बेरामिफोरनि अन्जिमाया 3,31,20,247 जाबाय आरो गासै थैनायफोरनि अन्जिमाया 4,48,997 जाबाय। हादतनि राइज्योफोरनि गेजेराव बयनिखुइबो बांसिन कभिड-



19 नि गोहोम गोगलैनाय केरेलायाव थानाय 24 घन्टयाव 12,29 गोदान पजिटिभ केस मोन्नायखों लाफानानै बे राइज्योयाव करना पजिटिभनि अन्जिमाया 47,20,233 जायो आरो सा 74 गोदान थैनायफोरखों लाफानानै गासै थैनाया 15,377 जाहैबाय। महाराष्ट्रयाव थानाय सानाव 1,691 गोदान पजिटिभ केस मोनो आरो सा 41 बेरामिफोरा जिउ गोमायो। बे सानाव देहा फाहामसालिनिफ्राय 2,716

बेरामिफोरा डिसार्च जायो। राइज्योयाव करना पजिटिभनि अन्जिमाया गासै 65,59,349 आरो गासै थैनाय सा 1,39,207 जाबाय। फारसेथिं सा 63,80,670 आ मोजां जाबाय आरो सा 35,888 बेरामिफोरा फाहामथाय लागसिनो। तामिलनाडुआव गोदानै 1,531 पजिटिभ केस मोन्नायजों गासै करना पजिटिभनि अन्जिमाया 26,68,495 जाहैयो आरो गोदानै सा 23 थैनायखों लाफानानै गासै सा 35,650 थैबाय।

पन्डरा पेपारआव भारतनि सा 300 आरो पाकिस्ताननि सा 700 धोनि सुबुंफोरनि मुं दं: रिपर्ट

इस्लामाबाद, 4 अक्टूबर: इन्टरनेसनल कन्सर्टियाम अफ इन्भेस्टिगेटिभ जानालिस्टिक (आइसिआइजे) आ पेन्डरा पेपार्स फोसावदों। बेयाव मुलुगनाडेनि गोजौ थाखोनि सुबुंफोरनि रांखान्थि थुबुर दोन्नायनि सोद खौरांखों सोरडाव लाबोदों। बे पेपारआव पाकिस्ताननि रांखान्थि मन्थि शौकत तारिनजों लोगोसे गहाइ मन्थि इमरान खानजों खाथि सोमोन्दो गोनां माखासे सुबुंफोरनि मुडाबो दंफायो। बे फारिलाइआव सिनेटर फैसल बाबडा, पिएमएल क्युनि दैदेनगिरि चौधरी मुनिस इलाही, इशाक डारनि फिसाज्जला, पिपिपिनि शारजील मेमान, उद्गा आरो दिहुन्थाय मन्थि खुसर बखियारनि नख'र, पिटिआइनि दैदेनगिरि, आबुल आलिम खान, एक्सेक्टनि सिइअ शएव शेखनि मुडाबो दं। खौरांनि बादिल्ला नायबजिनायाव गासै सा 700 नि बांसिन पाकिस्तानफोरनि मुंखों मिथिनो

हादों। बे केसआव माखासे आजिरा मोन्नाय सान्थिनि बिबानगिरिफोर, फालांगिरिफोर आरो मिडिया कम्पनीफोरनि मुडाबो सोरडाव फैदों। रिपर्टनि बादिल्ला लिक जानाय लेखा बिलाइफोरनिफ्राय मिथिनो मोन्दोंदि, गहाइ मन्थि इमरान खाननि महखुमानि गहाइ सोद्रोमा, जेराव केबिनेट मन्थि, बिसोरनि नख'र आरो गहाइ रांखान्थि हेफाजाबगिरिफोरा दंफायो। बिसोर सोदयै माखासे कम्पनीफोर आरो ट्रास्टफोराव बाहागोयारि दंफायो, जायफोरा लाख-लाख डलारनि दोनखोमानाय सम्पति दड। अदेबानि बे लेखा बिलाइफोराव बेखों बेखेवाखेंदि, इमरान खाननियारबो बेफोर बायदि सम्पति दड। आइसिआइजेआ बुंदोंदि, रेकर्डआव टिटिआइनि गोजौ थाखोनि अन्सुथाय होगिरि आरिपि नकबीनि लेनदेनखोंबो मिथिनो मोनो, जाय इउएसआव थगायनाय केसनि दायजों मोगा-मोगि जानादों। फारसैथिं

बे लेखा बिलाइ लिक जानायजों भारतजों लोगोसे मुलुगनि माखासे धोनि आरो गोहो गेरा सुबुंफोरनि सोद रादाय खानाय आरो दोनखोमानाय सम्पतिनि सोमोन्दैबो खौराड सोरडाव फेनो हागौ। पेन्डरा पेपार्स लिकआव दुबाइ, मनाक, सुइजार्लैन्ड आरो केमेन आइलेन्डस बायदि हादतफोराव मुलुगनाडेनि गोबां गुबुन हादतयारि कम्पनीफोर आरो ट्रास्टफोरनि आन्दोयाव थानाय सुबुंफोरखों संदानो थाखाय 1 कौटिनि बांसिन पाइलफोरखों नायबिजिरनाय जादों। इन्टरनेसनल कन्सर्टियाभ अफ इन्भेस्टिगेटिभ जानालिस्टिक (आइसिआइजे) नि फारसैनिफ्राय थियारि खालामनाय लेखा बिलाइआव सा 100 धोनिफोरनि अनगायै रासिया, भारत, पाकिस्तान, इउके, मेक्सिकनि मुंदांखा सुबुंफोरनि मुडै कम्पनीफोरखों मिथिनो मोन्दों।

सुंद सल' थरायना कमला ब्रह्म

जोथोब

: अनसुमै ? नोंहा मा जादों ?? मानो सिरिनो ??? : जेबो जायाखें। : मानोथो गाबामोन नों दहय ? बुंदों आंखों थगायबाय। : आं लाजियो खोन्थानो। : लाजिलायनाय माबेलाय। आंबो हिन्जावसो। नोंनि मेगनि मोदैआ आंखोबो गाबहोयो। खोन्था नोंहा मबाव मा जादों। : आं खोन्थागोन नों रावनोबोल' दाबुं बेफोर आंनि लाजिनांथाव जाथायखौ। मिथिगौ नों आं हारसिंथै मानो गावखों फोथांनो एबा गावनि आधिंआव गसंनो हाथा हामा थै-थां नाजाबाय आरो समाय लाबाय थैजासे आंनो फिसाय नाला। दानसेनि आगोलाउहाय फागुन दान्नि रै-रुब बेलासि

समआव गौरां देसानि हाब्रां जिंआव जिरायनानै अनसुमैआ गावनि जिउआव जालानाय गोखा गोदै गोबाब जाथायफोरखों रोखा रोखा खोन्थादों आंनो। आंल' गैयामोन बेउहाय दंमोन दावसिन-दावला, नखोरांआव जोमै दाखा-दाखा सोनाब फैसालीआव गोजा जारौ जोंब्लावनाय सान आरो लोगोसे बिफां-लाइफां आरो गोमजोरै बोहैलानाय गौरां दैसा। अनसुमैनिराव आंनि गोरलै गुरै बिखायाव गोजोरै नालाडे। आंखों सोग्रां आरो नोजोर थिउरिया खालामो। खोनासंदो लोगो नोंबो अनसुमैनि जाथायखौ बारुबाबो। फुंआवनो बिमा थिन्नायबादि अनसुमैआ

गासिबो खामानिखों मावनानै दोनखा बायदों आरो दुगैयै लोबै थादों। गावखों नायफेगोन कंकराझार आदाबारिनिफ्राय देजेन दैमारिआ फिसाज्जला रनजितनो बिहामजो। मिथिनाय बादिल्ला फिसाज्जला सासेल' खर'बो गैया लान्जाइबो गैया। देजेना नायलांबायानो बिहामजोखौ। बियो फसायबाय अनसुमैखों बिहामजोनि थाखाय। आखल आखु महर मोखां राव-बावफोरखों। नाथाय बिहा मोनसे सान्नाय दड्लाय सि.सि.जे फिसाज्जलानो जाय हिन्जाव धोन-सम्पथि हरनो हाया एबा लाबोफानो हाया बिबादिखौ बिहामजोलानाय नडा। गामि खाथिआवबो


नायदोंमोन बियावबो बिखायनो गुसथि फेनबोदो दजेना। बियो सानो हारसाफ्रा जेरै हौवाफोरखों हिन्जावफ्रा रंजों बायो बेबादिनो गावनि फिसाज्जलायाबो एसेबो बेसेन खम नडा। बेदि सान्नायादि आथिखालनि बर' हारिनि समाजाव अंहंयै हाबनाय मोनसे खहा खालामग्रा बियाद जादों बिखों सान्ना रोंनानैबो रासिनसो गोरौन्थि मावनायनिफ्राय गात्रिसिनि गैयाबावला। देजेना बिहामजोनि धोन-सम्पथि लुबैयो। फिसाज्जलाया नाथाय बेफोरनि फारसे जेबो मोनदाडखें। बियो मोनथिगौल' बिमा-बिफाया एसेबां हिन्जाव नायबाय गावनि थाखाय। बियो सानोल' बिमा बिफा नायनायानो गावनि नायनाय। बियो अनसुमैखों फसायबाय बिमा बिफानि मथै। हिन्जावनिफ्रायबो जायो

बुंबाय। मानोना अनसुमैआबो मेंबाय। गोबांबार नायफेदोंमोन गोबां मानसिआ नाथाय सासेजोंबो मिलयाखें बरादा विनि। सोरबाबा हौवा फसायब्ला नखरना फसाया। सोरबा होनलाडे गोसोम सोरबाया बुंलाडे बैसोगोरा आरो खानाय खंखि बायदि बायदि। बेबादिनो सर' दं हिन्जाव नायग्राफ्रा बायदिसिना बुंग्रा फसायाथाय फसाया। आर सोरबाबाया न'-बांखौबो फसायलाडा। बे हयले सैथो आथिखालाव, हिन्जाव नायग्रानि थाखाय न'बां आबो थाथारनांगो। मोजां न'-बां गैयाबाथाय साया सायखुतुम गैया होनो। बिबादिनो होनजाबाय अनसुमैआबो। सिबाय खाफाल गैयाबिहा थाब फिसाय मोन्नायनि। बावैसो, नायलांनय रनजित मास्टरखौनो उननि लुन साबसिन मोनबाय

नंनानै जिउनि मोदाय खालामनो अनसुमैआ गोसोआव सायखबाय बिमा बिफानि बुंनायाव। सिबाय बिमायाबो फिसाजो बिलायनायखौनो गोदोसिम मोनलायबाय फिसा हिन्जावगोजा हिन्जावगोजा सासिन। सासेल' फिसा हौवा। अनसुमैनि बिब'फोरा हाबा जालांजोबबाय। बिमा मोजांनि फिसा जौलैआ मोजां होननायबादि थाब थाब। अनसुमैल'सै बिसोरनि न'आव फिसाजोआ। सिबाय लेखा बारा रोडेजों जाबजों एसेल' दुखु लैथो फाखननि दै मोनलोडखिसै बियो गात्रिजा मोजांजा बार बार नायजानानै जाजायैआव। बिफोर अनसुमैनि खाफालनि खोथा। नाथाय रनजित बिफानि बिहामजो नायनाया एसे आलादासनि। अनसुमैनि गोसोआव सहायथावै मुगैथाव मोनसे (□ 6 बिलाइआव)

ड्रागस फालांगि खालामनायखौ नोजोर लाखिनो नख 'र मावख'आ कमिटि दाबाय

गोदान दिल्ली, 4 अक्टूबर: मिरु नख 'र मन्थि मावख'आ उतखारि बादिनो ड्रागस फालांगिनि हेंथायै गोखों नायबिजिरनाय हाबाफारि मावनो थियारि जादों। उतखारिजों जुजिनयनि थाखाय माल्टि एजेन्सि सेन्टर बायदिनो ड्रागस फालांगिनि खालामनायफोरनि हेंथायै गोखोडे नायबिजिरनो हानाय बादि नार्क क-अडिनेसन सेन्टर बानायनाय जादों। बेजों लोगोसेनो ड्रागसनि गिदिर गिदिर के सफोरखौ गोजौ थाखोनि नोजोर लाखिनो थाखाय सिम्स (सिजार इन्फमैसन मेनेजमेन्ट सिस्टम) दानाय जादों। नख 'र मावख'नि सासे गागि बिबानगिरिआ बुंदोंदि, एजेन्सिफोरनि गेजेराव



हेफाजाब हेज्जालयनाय आरो नोजोर लाखिनाय हाबाफारिजों सुरां ड्रागस फालांगि खालामनायखौ संदानायाव गुन गोनां फोरमान जादों। बितानि मिथिहोनाय बादिब्ला 2016 आवनो एनकडखौ दाफुनाय

जादोंमोन। नाथाय 2019 आव बेखौ गुवारै जिल्ला थाखोयावबो बाहायनाय जायो। बेनि गेजेरजों जिल्लानिफ्राय लानानै माहारि थाखोसिम सुरां ड्रागस फालांगि खालामनायखौ मोनफ्रोमबो के सआव

एजेन्सिफोरनि गेजेराव थि समावनो खौरां होज्जालयनायखौ रोखा खालामनाय जादों। बेनि जाहोनाव मोनसे जिल्लायाव मोन्नाय खौरांनि सायाव बिथा खालामनायै हादतनि जायखि-जाया बाहागोयाव सुरां ड्रागस फालांगिफोरनि हेंथायै गोखोडे नायबिजिरनायखौ रोखा खालामनाय जायो। एडिपिएस आयेननि गेजेरजों दायनिगिरिनि हेंथायै नायबिजिरनायव गुबुन एजेन्सिफोरनियव रोगीथि गैथैनि जाहोनाव सिम्स मुडे इ-पटेलबो थियारि खालामनाय जादों। सुरां ड्रागस फालांगि खालामनायनि मोनफ्रोमबो केसनि खौराड बे पटेलआव थायो आरो बेनि नायबिजिरनाय फोरखौ एनसिबिथा नोजोर लाखियो।

भारतआव करनाजों थैनायफोरनि नख 'रनो 30 साननि गेजेराव अन्सुंथाय होनाय जागोन

गोदान दिल्ली, 4 अक्टूबर: हादतआव करनाजों थैनायफोरनि केसआव अन्सुंथाय होनायखौ लानानै सुप्रिम कर्टआ बिथोन होदों। आधिखालाव कभिडजों थैनायफोरनि नख 'रनि सुबुंफोरनो गासै 50 रोजा रंखाथियारि अन्सुंथाय होनाय जागोन। बे रंखाथि हेफाजाबखौ मिरु आरो राइज्यो सरकारनि फार्से गिबिनिफ्राय गुबुन गुबुन रिक्मनि गेजेरजों हरनाय मदतनि अनगायै जागोन। दिनें फोसावनाय एक्स ग्रेशिया गाइडलाइननि बादिब्ला गाहाम देहा मावख' आरो एनडिएएमआ राइज्योनि थाखाय बिथोनमाखो फोसावगोन। अन्सुंथायनि रंखाथिखौ स्टेट डिजास्टर रिलीफ फाउन्डनि थाखाय



फोरमानखौ थिसनयनि गासै 30 साननि गेजेरावनो नख 'रनि सुबुंफोरनो हरनाय जागोन। साफ्रोमबो मुलाम्फायारिफोरनि खौरांखौ प्रिन्ट मिडियाआव फोसावदि खालामनाया गोनांथार जागोन। सुप्रिम कर्टआ बुंदोंदि,

थैनायनि सार्टिफिकेटआव सोरनिबा थैनायनि जाहोनखौ कभिड होना फोरमायदोंब्ला बिसोरनो अन्सुंथाय होनायखौ नेवसिगारनो हानाय नडा। डिस्ट्रिक्ट अथ 'रिटाआ बेबादियाव थैनायनि जाहोनखौ नंगुबे थिसनहोनो थाखाय

गोनांथार थांखिखौ लानाय जागोन। बे रंखाथियारि अन्सुंथायखौ फोरमानलाइ जमा होनाय आरो थैनायनि जाहोनखौ कभिड-19 नि महशव फोरमान होनायनि गासै 30 सानफोरनि गेजेरावनो रान्नाहो होनाय जागोन।

भारतआव थानाय 24 घन्टायव गासै 20,799 केसखौ मोन्दों



गोदान दिल्ली, 4 अक्टूबर: हादतआव करना केसफोरनि ग्राफआ लानिथ्रयै गाहायाव फैदों। भारतआव थानाय 24 घन्टायव करनानि गासै 20,799 केसफोर सोराडव फैदों। लोगोसेनो एक्टिभ केसआबो थानाय गासै 200 सानफोरव बयनिखुडबो खम केसआ गासै 2,64,458 जादों। फार्सेथि करनानि केसफोरनि दावख्खायगिरिफोर फैनो गोनां फोबोफोरनि बोथोरखौ नोजोर होनायै रेखाथिखौ बांहोनायनि सांग्राथिबो होदों। मार्च 2020 नि उननिफ्राय हादतनि रिक्बारि रेटआ बयनिखुडबो बांसिन जादों। आधिखालाव करना रिक्भारि रेटआ गासै 97.89 जौखोन्दो जादों। थानाय 24 घन्टायव गासै 26,718 सुबुंफोर करनानिफ्राय मोजां जाखांबाय। जायनि उनाव हादतआव मोजां जानायफोरनि गासै केसफोरनि अन्जिमाया 3,31,21,247 सिमाव सौहैदों। लोगोसेनो पजिटिभ रेटआवबो दावख्खायनायखौ नुनो मोन्दों। हादतनि सप्ताहयारि पजिटिभिडि रेटआव गासै 1.63 जौखोन्दो जादों। थानाय 101 सानफोरनिफ्राय बेयो 3 जौखोन्दोनिफ्राय खमआवनो थादों। फार्सेथि सानफ्रोमबो इन्पेक्सन जानाय बिबांनि बाथाखौ बुडोब्ला बेयो आधिखालाव गासै 2.10 जौखोन्दो जादों। फार्सेथि करना आलाथ्रियै भेक्सिन थुनाय अभियानखौ सालायदों, जायनि गेजेरजों दासिमाव गासै 90.79 कौटि भेक्सिनखौ थुनाय जाखांबाय। बेनि अनगायै करना केसखौ सिनायथिनो थाखाय टैस्टिबो खालामनाय जादों। दासिमाव गासै 57 कौटि 42 लाखखौ टेस्ट खालामनाय जाखांबाय।

कलकातानि जारिमिनयाव गिबि खेब राइजोयारि दुर्गा फुजाखौ आइजो फुजारिफोरसो खुंसिगोन

कलकाता, 4 अक्टूबर: बे खेबनि नवरत्रियाव कलकातायाव मोनसे गोदान बिदिथि फसंनो नागिरदों। जारिमिनयाव गिबि खेब राइजोयारि दुर्गा फुजाखौ साब्रे आइजो पुजारिफोरा खालामगोन। दुर्गा फुजायाव साजायनयनि थाखाय सिनायजाखांनय खोला कलकाता कलाबआ बे थांखिखौ लायो। बे कलाबआव फुजा खालामग्रा 66 पडुल्लि फुजा कमिटिनि पुछ्छुन मुखार्जोआ फोरमायनाय बायदिब्ला, बेबायदि जायगाजेनयनिफ्राय जोबजासिमाव आइजो पुजारि फुजा होनाया माल्लाबाबो जाफे राखै। नाथाय जौनि कलाबआव साब्रे आइजोफोरनि हान्जाया बे गोदान नेमखान्थिखौ जागायगोन। बिसोरनाव फुजा खालामनायाव गावसोरनि आलादा रुटिन दड बेयाव फुजानि मन्थफोरजों लोगोसे रबीन्द्र संगीत, रजनी कान्त, द्विजेन्द्रगीत बायदि गुबुन गुबुन रुटिनफोरनि मेथाइफोर जर 'खायै थागोन। डा नन्दिनी भौमिक, रुमा राय, सेमन्ती बेनाजी आरो पलमी चक्र बर्तीआ 10 बोसोरनिफ्रायनो सहयाव हाबा, न' हाबनाय बायदि मख 'जाथावै



हाबाफारि खुंबोदों। नाथाय गेजेरजों बे खेबाव देबी बिमानि फुजाखौ बिमाफोरानो खालामगोन। बेरा फारसे नन्दिनीआ फोरमायदों, जों पुरहितफोरखौ मनसे आरिमुयाव सोलायनो थाखाय गुवारै नायबिजिरगासिनो दड। बे समाव जों मिथिनो मोनोदि, आधिखालाव सुबुंफोर फुजानि आसार खान्थियाव बाहागो

लानायनि सोलायै गुबुन हाबाफारिफोरजोंसो लोब्बा लाखिनो मोजां मोनो। जौनि थांखिया बेबायदि सुबुंफोरखौ फुजानि हाबाफारियाव सरजाबनाय। नन्दिनीनि जिउ आरो खामानिजों थुलुंगानायखौ लानानै सावथुन बहम जनिन गपन कमिटीखौबो बानायनाय जादों।

लानायनि सोलायै गुबुन हाबाफारिफोरजोंसो लोब्बा लाखिनो मोजां मोनो। जौनि थांखिया बेबायदि सुबुंफोरखौ फुजानि हाबाफारियाव सरजाबनाय। नन्दिनीनि जिउ आरो खामानिजों थुलुंगानायखौ लानानै सावथुन बहम जनिन गपन कमिटीखौबो बानायनाय जादों।

दुर्गा फुजानि समाव थि अन्जिमानि सुबुंफोरखौल' हाबहोनाय जागोन

गोदान दिल्ली, 4 अक्टूबर: राजथावनि दिल्लीआव दुर्गा फुजानि फोबों खुंनो थियारि खालामबाय। बेनि गेजेराव फोबों खुंग्रा समितिफोर फुजा पान्डालफोरव करना भेक्सिननि मोनैबो ड्रपखौ थुजाखांनय सिबियारिफोरखौल' हाबहोनाय थाखाय फोसावदों। करनानि जाहोनाव फोबोंखौबो जौंगा-मागायै खुंनय जानाय नडा। फारसेथि दुर्गा फुजानि सिन्दुर फुनाय फोबोंखौबो जर 'खायै खुंनय जागोन। बेयाव बे आइजोफोराल' बाहागो लानो हागोन जायफोर कभिड-19 नि मोनैबो ड्रपखौ थुजाखांबाय। फुजानि समाव ढाक एबा दल दामनो थाखाय कलकातानिफ्राय दामजु दामग्राफोरजों लिंहरनायबो जादों। दिल्ली दुर्गा फुजा चेरिटेबल एन्ड काल्यारेल कमिटिनि गागि बिबानगिरि अरुण घषालआ फोरमायदोंदि, फुजा पान्डालनि हाबग्रा लामायाव भेक्सिन थुजानायनि फोरमायलाइखौ दिन्थिनांगोन। आधिखालआव फुजा समिटिनि सोद्रोमाफोरखौल' हाबनो गनायथि होनो थाखाय थांखि लानाय जादों। मिन्ट रड दुर्गा फुजा समिटिनि केसियार तपन भत्ताचार्यआ फोरमायदोंदि, करनानि जाहोनाव बे बोसोरव फाउन्ड एबा रंखाथि जुथानायया सेलेन, गोनां जानानै फैदों, नाथाय फुजाखौ खुंनान्गोआ गोनांथार। बिमा दुर्गा मुर्तिखौ फोजावहैनायनि सिगां सिन्दुर फोबोंनि नेमखान्थि दड, जायखौ फैगो 15 अक्टूबरखालि खुंनय जागोन, जेराव खालि करना भेक्सिननि मोनैबो ड्रपखौ थुजांनय आइजोफोराल' बाहागो लानो हागोन। तपन भत्ताचार्यआ फोरमायदोंदि, दुर्गा फुजायाव दामजु दामनो थाखाय कलकातानिफ्राय दामग्रा हान्जाफोरखौ लिंहरनाय जादों। अदेबानि बे खेबयाव बिसोरनि अन्जिमाया खम जागोन। बिडनपुरा दुर्गा फुजा समिटिनि मासिगिरि बिभाष चन्द्र मैतीआ फोरमायनाय बायदिब्ला दुर्गा फुजानि पेन्डेलखौ फिसायैनो बानायनाय जागोन। मोनसे थि एबा सिमा गोनां अन्जिमायाव आइजोफोरखौ सिन्दुर फोबोंआव हाबहोनाय जागोन।

सुप्रिम कर्टआ 43 आबादयारि आफादफोरनो नटिस दैथायहरदों

गोदान दिल्ली, 4 अक्टूबर: लखिमपुर खौरिआव बुथारलायनाय जाथयनि उनाव सुप्रिम कर्टआ आबादारि सोमावसारनायखौ लानानै गोखों आखु दिन्थिदों। दिल्ली-नएडा लामा होथेनायखौ लानानै गथायनाय सुबुंथि हितनि आर 'जलाइ गथायनायनि सायाव सुप्रिम कर्टआ बुंदोंदि, आधिखालाव मोन्थाम आबाद आयेनखौ होबथानानै दोन्दों अब्ला लामाया मानो दिन्थिफुंगसिनो। सुप्रिम कर्टआ बे केसआव मोन 43 आबादारि आफादफोरनो नटिस हरनानै फिनाय बिदों। मख 'जाथावदि, नएडानि थागिबि मनिका



अग्रवालआ आबादारिफोरनि दिन्थिफुंगनायनि जाहोनआव दिल्ली-नएडा लामायाव थांलाय-फैलाय खालामनायखौ हेंथा खालामनायनि आयदाखौ कर्टआव दैखांदोंमोन। सुप्रिम कर्टआ मोन 43 आबादारि आफादफोरनो नटिस हरदों। बे केसनि उननि हियारिआ 20

अक्टूबरआव जागोन। बे केसखौ लानानै हारियाना सरकारा अन्तरिम फोरमायलाइ थिसन्ना मोन 43 आबादारि आफादफोरखौ हेफाजाबयारि बानायनो थाखाय आर 'जलाइ गथायदोंमोन। हारियाना सरकारनि आर 'जलाइनि सायावनो कर्टआ नटिस हरदों।

गोदान दिल्ली, 4 अक्टूबर: कंग्रेसनि दैदेनगिरि राहुल गान्धीआ रबिबाराव मेघालयनि बारग' गिबि मन्थि मुकुल सांमा आरो राइज्यो कंग्रेसनि आफादगिरि बिन्सेन्ट एडच पालाजों लोगो हमो। खौरांनि बादिब्ला, बिन्सेन्ट एडच पालाखौ मेघालय राइज्यो कंग्रेस कमिटिनि गाहाय फसंनयनि उनाव बिथां आरो बारग' गिबि मन्थि आरो कंग्रेस एमएलए दोलोनि दैदेनगिरि कुमुल एम सांमानि गेजेराव माखासे जेना सोलिदोंमोन। सांमाया बुंदोंमोनदि, पार्टीनि दैदेनगिरिया पालाखौ बिबानाव थिसनयनायखौ लानानै गावजों सावरायज्जलायाखै। फारसेथि हमादनायबो जादोंमोनदि, सांमाया ट्रिनामुल कंग्रेसआव हाबहोना हासिगौ। अदेबानि बिसोर सांनैबो दैदेनगिरिआ



शनिबाराव जयैनो नुजाथियो आरो जानो गोनां बिसायख 'थिनि थाखाय जयै खामानि मावनो थांखि लायो। कंग्रेसआ मिथिहोदोंदि, मेघालय कंग्रेसनि आफादगिरि बिन्सेन्ट पाला आरो कंग्रेसनि एम एल

ए दोलोनि दैदेनगिरि मुकुल सांमाजों मेघालयनि आफादगिरि मनीष चतरथ आरो इ आइ सि सिनि नेहाथारि के.सि. वेणुगपालनि नुजाथिनायाव राहुल गान्धीआ गावनि न'आव लोगो हमादों।

बिथाडा जथुम्मानि उनाव दैदेनगिरिफोरजों लोगोसे गांसे पट'बो शेरयार खालामदों। कंग्रेसआ मेघालयआव जानो गोनां उफ्रा बिसायख 'थिनि थाखाय बिजाथिखौ थि खालामनाय

हाइलेन्डार खारमल्कीखौ मावरिं एस टि बियाबनि, केनेडि सि खीमखौ मावफालां-एसटि बियाबनि आरो हाशिना यास्मीन मन्डलखौ राजबाला बियाबनि बिजाथि फसंदों।

नौनि थाखायनो

आसा नौनि थाखायना
गोजोन गैला आंहा।
नों मानो आंखौ मिथिया
नों मानो आंजों एरा-एरा।
नौनि बेबायदि आखलावनो जाबाय
आं बोदोर बावलि। राइज्जलायनो
सानो आं नोंजों आनि गोसोनि
बाश्राखौ। नाथाय नोंदि आंनो
गुमुरखौनो होआ। आं सानो आंनि
अन्नायखौ नौनो होनो। नाथाय
नोंदि गुमुर होआ। नौनि थाखायनो
जाबाय आं उसु-खुथु उसाव-बादाव
नाथाय नों मानो आंखौ मिथिया ?
नौनि बेबायदि आखलावनो जाबाय
आं दिने फागला नों मानो बुजिया
नों मानो मिथिया ? जाबाय आं
नौनि थाखायनो खाराव-माराव।
जानो लौनो खहाबला नौनि थाखायनो।
उन्दुनो आंखारला नोंखौ सानै-सानै
सान हर। आसाया मानो दुखु नांथाव
आखल दिन्थियो आं नौनि गोबौनि
अन्नायखौ अरायबो मोन्नो लुबैयो।
आंबो आनि अन्नायखौ सिरि सिरि बोनो
होदोंमोन आसा नाथाय नों आंनो गुमुर
होआ। गोसो खांसै अराय नोंखौल' हास्थायसै
अराय नोंखौल' नौनि थाखायनो जासै आं
एखनबा गोसो खांना मोदैन बना।

श्री दिदोम नाजारी
जोमा बड़ फरायसालि, पाटगाव
थाखो:- जि (10), गामि:- सारागुरी
बैसो:- जिबा (15) बोसोर।

गोजा गलाब बिबार

फालगुन दाननि जावलिया बाराव।
सानस'नो हायै लाइमोन बैसोआव
गुवार गोसोनि अन्नाय लानानै
मोजां मोन्दोंमोन रजे
आं नोंखौ जेब्ला।
अब्ला, नों आनि बायराब
देरानि लांगोनायाव बारदोंमोन
सानैसोनि गोजा गलाब बिबार।
दिने बै गोजा गलाब बिबारा बहा ?... ?
नाथाय , नोंदि बै सिखिफोरनि
गेजेरावसो बारहैनानै दं।
आंनि बेसेबा गोजानावसो.।
नों, मोदोम जायाखैथ',
सिखिफोरजों बिदै सोबजानो।
बिबिदिनो, रजे नोंखौ आ
हास्थायदोंमोन मोकथांआव।
नाथाय नोंदि बावगारलांबाय
अब्लाबो आं नोंखौ गोबौजों
मोजां मोन्दोंमोन...
जाफु होनो थाखै....
नाथाय सानाखैमोन नों रजे
आंनि अन्नायकौ सैथो गोथार होना।
जाउनाव जानांबाय आं दिने
लोगो गोमाजानाय दाउसा माउरिया
बिदिब्ला रजे बुं बै समनि
अन्नाया बेसेन गैयामोन नामा।
जानो हागौ आंदि गोरोस्थि
खालामबाय बनि थाखाय नों
आंखौ नेवसिगारनो हागौ।
नाथायय, नोंबो इसेबां गिदिर
समाय लानायखौ गियाखैसै।
ना नों समायखौ फिसा
होन्नानै सासनबाय नामा।
ना फालगुन दाननि थिं थिं
सानुं दुंनायाव रानज्रिलांनो
हमबाय नामा बै गोजा

गुलाब बिबारा।
बेनिजन बरग'यारी। बडइगाव कलेज
थाखो - हायार सेकेण्डरी सेथि बोसोर
जिल्ला- बडइगाव, बि.टि.सि., आसाम

नौनि सावगारि

नौनि गोदै मिनिखैरोयै मिनिनाय
मिलौहाब रेसुमै देंखोनि रायज्जलायनाय
आंनि गोसो फेसालियाव
सिमां-मोगथां गोसो अरनाव
नुजाफैयो सना ददेरे
गले गले नौनि सावगारि।
नोंनो आंनि गोदै सिमां
थिनाय मिज्जिन बेसे आंगो
जिउ फेसालिनि सायखं
गोसो अन्दरनि दरखं
जेराव नौनि अनसुलि महरा
नुजाफैयो आंजों गासै हराव
लुनानै दोन्नाय सनानि देरायाव।
नौनि सावगारि बेसे समायना
आंनि मेगनि नोजोराव बेसे हायना
नौनि अनसुलि आखुआनो बरायबाय
नोंनो आंखौ बावनो हायि खालामबाय
सानखि हर गोसो फेसालियाव
नुहां-नुवाहां गोसो अन्दराव
जाखारफैयो खालि नौनि अनसुलि महर
नुजाफैयो जेरावबो नौनि रोखा सावगारि।

मुस्रि जोंसार रामसियारि
फरायसालि-मुसलपुर कलेज
जिला-बागसा बि.टि.ए.सि.,

जाबाय आं दुथामि

आंनि जिउनि हाहाहोगिरि
अनजालु आन्जालि, बिफा बिमाफोर
गावसोरनि गोसो गोबौआव हाजासे,
गोथार मिज्जि लानानै दोनहरदोंमोन,
दिने आंखौ टाउन-सह'राव ,
स्कूल, कलेज फरायनो।
बुरलु बुरला खालामनानै
गावसोरनि बिखानि थैखौ दै खालामनानै,
हरदोंमोन रोजा रोजा रां
गावनि फिसानि नांगौ बादियै।
नाथाय दिने मोनथिया हासिया,
सह'रनि गुदुं बारजों बारफानानै
गावनि सान्नाय हनायखौ सोलायबाय,
बिफा-बिमानि सान-इजोदखौ बावगारबाय।
लिरनाय-फरायनायआबो जाबाय
लैथोनि दै दाहारआव गोजावनाय
खोमस्लिफानफोरा बायदि थोखि गैयै।
सानफ्रोमबो सह'रनि ग'लायावल',
जौ, सिगारेट आरो थांखु सोबै -सोबै
समखौ आं बारहोदोंमोन।
गावनि जौमोननि हाबिलासखौ सानहरनो
सम आरो बोथोरआवो गैला आंहा,
खालिबोल' नांगौ -नांगौ-नांगौ
जौ, जुवा आरो सिगारेट।
गिनाय, लाजिनायआबो गोमा जोबबाय,
लामा सामा सिख्ला सासेबो
बारग'लिया....
हाय! आं मादि मावफोनांखो....
थारैनो जाबाय आंबो सासे दुथामि।

मुस्रि प्रफुल्ल नाजारी।
कक्राझार कलेज।
थाखो हारिमु सालिया सेथि बोसोर।
बैसो - 19 (जिगु)। ला:सो: - दटमा।

“मोदै”

फुगारनो आं माजों
होबथानो आं माबौरै
बुरलुबुथुरनि रा-रा बोहैनाय
दै दाहार बायदि
बे आंनि थायने मेगनिफ्राय ग'नाय
जोथि मोदैखौ।
दुखुथिया बे आंनि जिउआ
मोदैनि अनगा आंहा
गेलेनो रावबो गैया।
मोदै नों आंनि जिउनि
लोगो।
हाजासे नागिरबाय आं सुबुनि
संसारव सुखि जिउ,
नाथाय गैया, सुबुनि जिउआव
सुखुनि मोदै,
नुबाय मिथिबाय आं सुखुवा
नागिरनानै मोन्नाय जिउद नड।।

श्री पदमधर ब्रह्म
ला:सो: - नायेकगाँव
जिल्ला:- कक्राझार

रंजालि गथ' फोरनि सौरा

दिखारनि हांमा

आंनि जीउनि सिमानि मोदाय
बिखायाव थानानै नों
दुखु दाहा होयो मानो, हायनारी ?
आखाय फोलाव फोलाव
लिंहरो नों अनसुला खालामो।
जीउ आरो सिमानि आबिर सारफावनो
फैलाव बाला बारीनि बारा बारफावनो
नौनि बिखायाव जेब्लाबो उनफलेनो हाया,।
सहायनो हायै बारनि जेथोआव,
गोदान जीउनि गोहो होफिननो
नौनि गोसोनि साननायखो जाफु होनो हालिया
जादों नोंहा दुखु मानि दिखाराव हांमा।
जादों नोंहा दाहा मानि हांमायाव
गोदोनि बाश्रा जबान बान्था नाथाय नों।
सानै नों बाश्रा राइज्जलायनायनि,
सिमानि मोनसे देरा लुनार्यानि
देंखो बोनायनि सावगारीयाव
मिज्जि गैयै लामा दबथायाव।,,
सानदों दासो हारसिडै हायनारीया सिरि सिरि
इयुन मिज्जिक गोगोमै गान्थि खानो।

रनदा बसुमतारी
काराइगाव स्कुल
गामि- कात्रीबारी
ला:सो:- रुणी काता।

आफा प्रभु

उजि फैबाय आं माया पुरीआव,
न'वा आंनि सैथो पुरीआव।
मुज आंनि मिथ्या
जातिया आंनि अदैथ्ये ॥
आफा! आं माखौ सोलोंगोन,
आं माखौ फोरोंगोन।
आं मोनथिगोन।
आंबा माखौ बुंगोन ॥
आफा! नोंनो यन्त्री
आं यन्त्र!
आं र'थ,
नों र'थी ॥
जायखौ नों मावहोयो,
आं बेखौनो मावयो।
नों जायखौ बुंहोयो;
आं बेखौनो बुंयो।
आं जेबो नड आफा;
गासैबो नोंनो “आफा प्रभु” ॥

बुधदेब नाजारी
गामि-स'नापुर (एलेमारी)
ला:सो:- दुमब्रि गुरी (द'तमा)
जिला-कक्राझार बि.टि.सि.आसाम।

फैमाल थांबाय

फैमाल थांबाय आं आरो
नौनि मोजां मोन्नाया।
जाथाय गावखौनो गाव आं
जेबो बुजिनो हायाखिसै,
नाथाय नोंदि आंखौ
जोबोर मोजां मोनदोंमोन।
नाथाय आं नोंनो अन्नाय
आरो मोजां मोन्नायखौ
नोंनो होजोबबायमोन।
नाथाय नों आंखौ
नागारनायाव आं
जोबोर दुखुबो जादों।
नाथाय आंखौ दा नों
हास्थायब्लाबो मोन्नाय
नंला नाथाय दा आंनो
रावखौबो नाला नोंजों
गावजानायनि जुनै सना।
नाथाय नों आंखौ
गारनायाव पाप नांबाय।
आरो नों आंनि लाइजामाव
इन फजिबोल लिरनायाव
आं गाबनो ओंखारदों।

श्री दैदेन ब्रह्म
गामि- कफरागाव
ला:सो:- कमलसिं


बुं नांगौ नौनिसिम

अब्ला नों बुं नांगौखौ नों आसुं आबुडै
आंबो आंनि बुं नांगौखौ आंबो बुंनानै
फिन बिदाय समाव।
नौनि गुरे गुस्थिखौ
आंनिजों गोरोबफा होन्नानै
नों आंखौ खुदुमोब्ला
बुहुमाव मोन्नो थाडे।
सोरगोयाव हानाय अमृत बिदैनि
आखायाव आंनावबो नांनाय बायदि
बेसेदि गोजोन सुदेम मिलौहाबनाय जौनि
अन्नाय मोजां मोनज्जायनायाव
नाथाय मिथिआ रजे समनि फखनाव
बिदिन्थानि गेले होनायआ मा खालाम लाडे
जौनि इयुन जीउनि दैथुम
आं अरायबो आरजगाबो रजे
अबनि सेराव
नौनि आरो आंनि
इयुन जीउनि गोजोनखौ रजे.....।

जनकलाल बसुमतारी
गामि- काइ मारी
ला:सो:-काइ मारी
जिला- कक्राझार बि टि सि आसाम।

मुलुगनि जौसिन हाजो थिखिनि माउन्ट एभारेस्टखौबो थोरोबनो हानाय गोथौ हाखर दड

मु लु ग नि
बयनिखुइबो जौसिन हाजो
थिखिनि माउन्ट एभारेस्टनि
सोमोन्दै बयबो खोनाबाय,
नाथाय मुलुगनि बयनिखुइबो
गोथौसिन जायगानि सोमोन्दै
गोबां खम सुबुंफोरा मिथियो।
बेयो एरैबायदि गोथौदि बेयो
माउन्ट एभारेस्ट हाजोखौबो
खोबजोबनो हागोन। बेनो
जादों मुलुगनि बयनिखुइबो
देरसिन लैथोमा प्रशान्तआव
थानाय मारिआना ट्रेन्च। बेयो
एरैबायदि गोथौदि, बेयो माउन्ट
एभारेस्ट हाजोआबो गोदोगोन।
बे जायगाया सोनाब प्रशान्त
लैथोमानि सान्जा फारसे आरो
मारिआना द्वीपनि साखाथियाव
दड। माउन्ट एभारेस्टनि जौथाया
लैथोमानिफ्राय 8,849 मिटार,
नाथाय मारियाना ट्रेन्चनि
गोथौआ लैथोमा सा
बिखुं निफ्राय 11,000



मितरनिबो गोथौसिन। बेनि
गोथौआ माउन्ट एभारेस्ट
जौथायनिखुइबो 3,000 रोजा
बांसिन। बे गोथौ हाखरव जुदि
माउन्ट एभारेस्ट हाजोखौ
दोनफैयोब्ला बेनि सायाव 3
मितर गोथौसिन लैथोमानि
दैआ थाबावगोन। माउन्ट
एभारेस्ट हाजो थिखिनिखौ
गाथोनाया जोबोद गोब्राब आरो

बेखौ गाखोनो नाजानायाव
गोबां सुबुंफोरा गाव-गावनि
जिउखौबो खोमाना लाखांबाय।
फारसेथिं बे मुलुगनि जौसिन
हाजो थिखिनियाव गाखोनो
हानानै फिरफिला बिरहोनो
हानाय सुबुंफोरनि
अन्जिमायाबो गोबां दंसै।
नाथाय मुलुगनि गोथौसिन
जायगा मारिआना ट्रेन्चनि गोथौ

थालासिम सानैल' सुबुंफोरा
सौहैनो हादों। 1960 आव इउ
एसनि रिटायर्ड लेफ्टिनेन्ट डन
वल्स आरो बनि स्विस्
हेफाजाबयारि जेक्श पिकार्डआ
गंसे साबमेरिनजों मारिआना
ट्रेन्चनि 10,790 मिटार
गोथौसिम थादोंमोन। बिसोरनि
उनाव रावबो बेनि गोथौसिम
सौहैनो हायाखै।

फैगौ सान 5 नाडै राइज्योआव अखा हानायनि सिगांग्रो मिजिं फोरमायदों बोथोर बिफानआ!

गुवाहाटी, 4 अक्टोबर: बिदुं दुंखावनाय गरमनिफ्राय रैखा मोनसिगोन आसामआरिया। फैगौ सान 5 नाडै गुवाहाटी नोगोरमाजों लोगोसे राइज्योनि माखासे ओन्सोलफोरव अखा हानायनि मिजिं दं। बोथोर बिगियान मिरुनि फोरमान बायदियै फैगौ सान 5 नाडै आसामजों लोगोसेनो सा-सान्जानि गासै राइज्योआवनो अखा हानाया बाडइ आरो गोबां बिबाडव सोलिबाय थागोन। मख'नो गोनादि, सान 5 नाडै आसाम आरो सा-सान्जानि राइज्योफोरव बोथोरा जोमै दाखिफबनानै थागोन। लोगोसेनो गाबोन मंगलबारखालि गुवाहाटी नोगोरमायाव अखा हानायनि मिजिं दइ। बेवायदिनो फैगौ शनिबारसिम अखा हानाया सोलिबाय थागोन। नाथाय अखं आसामनि गासै बो जिल्लायावनो फै गौ बुधवारखालिफ्रायसो अखा



हानायनि सिगांग्रो मिजिं मेघालय आरो सिक्किमआव फोरमायथिदों बोथोर मिरुआ। लान्थ्रियै गोखों अखा हागोन आसामनि अनगायैबो नसुंसेनि होन्ना मिथिहोदों बोथोर राइज्योफोर नागालेन्ड, मणिपुर, बिगियान मिरुआ। फारसेथिं बे

सानफोराव गुवाहाटी नोगोरमायाव गासै 24 डिग्री सेलसियाससिम दावखलायगोन टेम्परेसआ।

नंखाय मार्कसिटजों टेट फोरोंगिरि महरै थिसनजानाय साब्रै फोरोंगिरिफोरखौ हमदों

हजाइ, 4 अक्टोबर: नंखाय मार्कसिटजों टेट आन्जादाव जिरायनानै साखि मोन्नाय साब्रै टेट फोरोंगिरिफोरखौ थानाय रबिबारखालि हरनि समाव कामरुप पुलिसआ संदान्नाय हाबाफारि लानायनि गेजेरजों हाज निफ्राय हमनो हायो। हमजानाय साब्रै फोरोंगिरिफोर नंखाय मार्कसिट, फोरमानलाइजों टेटआव थिसन्थाय मोनदोंमोन होन्ना नै अजद सिखादों। थानाय रबिबारखालि हरनि समाव पुलिसआ हमनो हानाय साब्रै टेट फोरोंगिरिफोरखौ जिजुर रहमान, मनवार हुसेन, मनवार खान आरो साहिबुर रहमान होन्ना नै सिनायथिदों। पुलिसआ हमनाय गासैबो फोरोंगिरिफोर आथिखालाव नंखाय फोरमानलाइ, मार्कसिटनि सोमोन्दै सोंथि सोंगासिनो



दं होन्ना नै पुलिस सुलुडा बाक्सा आरो चिरां जिल्लायाव टेट मिथिहोदों। थानाय माकासे सान फोरोंगिरि महरै थिसन्थाय सिगां हमजानाय फोरोंगिरिफोर मोनदोंमोन। मख'नो गोनादि

(□ 1 बिलाइनिफ्राय)

बिपिएफ आरो बिजेपिनि गेजेराव गोरोबथाया फेफिनसिगोन नामा ?

28 नं गसाइगाव बियाबआव टुब' कुमार ब्रह्म नाजरीखो बिजाथि महरै फोसावो। बे बुल्लियावनो बिपिएफनि आफादगिरि हाग्रामा महिलारीआ बिजेपिजों गोरोबथायाय फेफिननायनि बाथ्राखौ खौं बिजॉनि गेजेरजों फोरमायथिदों। बिथाड फोरमायथिनाय बायदिब्ला, बिपिएफ आरो बिजेपिनि गेजेराव गोरोबलायनायनि सावरयनाया जोबथा थान्थियाव फेबाय। बे आयदानि बागै फोसावनांगौल' दंसे। बिथाड फोरमायबावोदि, बिपिएफआ गसाइगाव बियाबआव हारसिडे गेलेगोन आरो भवानिपुर बियाबआव बिपिएफआ बिजेपिखौ हेफाजाव होगोन। नाथाय तामुलपुर बियाबनि सायाव हान्जाया दासिम थि थान्थि लायाखै होन्ना नै फोरमायथिबावो। बेराफारसे बिटिसि खुंथायनि गोहोयाव थानाय इडपिएल हान्जाया सोलिफु समाव बिजेपिजों गोरोबथायावनो दंखायो आरो फैगौ उफ्रा बिसायख'थिनि थाखाय इडपिएलआ गसाइगाव आरो तामुलपुर मोन्ने बियाबआव बिजाथि फोसावखाबाय। इडपिएलआ गसाइगावआव बिजाथि फोसावखानायनि बागै सोंथि सोंगाय समाव हाग्रामा महिलारीआ फिनोदि, इडपिएलआ गावसिनि बिजाथिखौ फरसंगोन आरो जोंहा जॉनि बिजाथिखौ देरहाहोनो थाखाय खामानि मावगोन। बिपिएफ आरो बिजेपिनि गेजेराव गोरोबथा जानायनि रोखा खौराड थाबैनो सोराडव फेसिगोन होन्ना नै फोरमायथिबावो।

टेटनि नंखाय फोरमानलाइनि अजदआव चिरानिफ्राय सानै फोरोंगिरिखौ हमदों

सोरंगआव फेनानयनि उनावनो जुनिया संदान्ना हान्जाया संदानदोंमोन। थानाय रबिबारखालि मोनानि समाव चिरां पुलिसनि हेफाजावजों जुनिया संदान्ना हान्जाया सानै आइजो फोरोंगिरिखौ हमनो हायो। हमजानाय सानै फोरोंगिरिफोरखौ सि आइ दिआ गुवाहाटी फारसे लानानै थाडे होन्ना चिरां पुलिसआ मिथिहोदों। हमजानाय सानै फोरोंगिरिफोर बिजनी बान्दव गोअसिन गेजेर फरायसालिनि फोरोंगिरि दैजि बर' आरो बेटलनि काजलगाव गोअ फरायसालिनि फोरोंगिरि रहेना पारिनि होन्ना नै पुलिसनि सुलुड मिथिहोदों।

तामुलपुरआव नंखाय साथाम टेट फोरोंगिरि हमदों, संदान्ना थाखाय गुवाहाटीसिम लाबोबाय

सेप्टेम्बरआव बिटिसि सोलेंथाय बिथोनगिरि मावखुलिनिफ्राय सा 52 सोद्रोमानि नंखाय फोरमानलाइजों थिसनजानाय फोरोंगिरिफोरनि मोनसे फारिलाइ फोसावजादोंमोन। बेनि बिथायावनो दिने बाक्सा जिल्लायाव थिसनजानाय तामुलपुर पुलिस थानानि सिडव थानाय सा 3 नंखाय टेट फोरोंगिरिफोरखौ तामुलपुर पुलिसआ हमो। टेट फोरोंगिरिफोरखौ- काजलि बर' (तलकुसि गोअ फरायसालि), आनिता बर', (देउलकुसि गोअ फरायसालि) आरो भवानि बर' (द्वारकुसि गोअ फरायसालि) होन्ना नै सिनायथिनाय जादों। बाक्सा जिल्लानि लेडइ पुलिस बिबानगिरि आरो सिआइडिआ तामुलपुर पुलिसनि हेफाजावआव फोरोंगिरिजो साथामखौ देउलकुसियाव थानाय गावसिनि थाग्रा खुलिनिफ्राय हमो। जायनि उनाव जर'खा संदान्ना दालाइ गुवाहाटीसिम लाबोयो पुलिसनि हान्जाया।

उफ्रा बिसायख'थिनि थाखाय राजखान्थि दैदेनगिरिफोरनि गेजेराव जागयाजेनवाय बिबुंथिनि दावहा

एफनि आफादगिरि आरो बि टि सिनि बारग' गहाय खुंगिरि हाग्रामा महिलारीआ खौरंगिरिफोरनि सिगाडव बि पि एफ आबो मित्र जतआव बाहागो लाबाय बि जे पिजों मोजों सोमोन्दोआव फेबाय होन्ना नै फोरमायथिनाय लोगो लोगो इड पि पि एलआ हाग्रामा महिलारीनि बिबुंथिनि सायाव फिनजाथाय होफिदों। दिने कक्राझारव थावा इड पि पि एल दोलोनि मावखुलिनाय मोनसे खौरंगिरि मेल खुंफुनायनि गेजेरजों इड पि पि एलनि मावफुं आफादगिरि रोन्गोर नाजरीआ बि पि एफ आरो हाग्रामा महिलारीखौ गोखों रवजों सोंखारिदों। बिथाड फोरमायथिदोंदि सोलिफु समाव इड पि पि एल आरो बि जे पिनि गेजेराव मोजों सोमोन्दो खालामनानयनि गेजेरजों बि टि आरआव मोजों खुंथाया सोलिगासिनो आरो जौगावु खामानिफोरा गोखैयै जाबोगासिनो दं। बेबायदि समनि गेजेरावनो बि पि एफ हान्जाया गेजेराव हाबखावनानै गुलु-गुजु थासारि सोमजिहोनो नागिरदों। बि पि एफ आरो हाग्रामा महिलारीआ सुबिदाबादि। बिथामोनहा जेराव सुबिदा मोनो बेयाव खाबु लायो। बे समावबो बि पि एफआ बि जे पिजों गोरोबनायनि नंखाय बाथ्रा फोसावना नै राइजो-राजाफोरनि गेजेराव गो-गोथो आरो गुलु-गुजु सोमजिहोदों। बि पि एफ हान्जाया इड पि पि एल आरो बि जे पिजों जेबो सोमोन्दो गैया। बिसोरो गावसिनि मुलाफानि थाखाय नंखाय बाथ्रा फोसावदों होन्ना नै रोन्गोरा नाजरीआ फैगौ खुंजानोगोनो उफ्रा बिसायख'थियाव गसाइगाव आरो तामुलपुर बियाबाव इड पि पि एल दोलोनि बिजाथिनायो देरहागोन आरो भवानिपुर बियाबाव बि जे पिनि बिजाथिया देरहासार जागोन होन्ना नै खौरंगिरि मेलनि गेजेरजों फोरमायथियो।

सानसुमा बर'आ "जिउनि गाथोन" खन्थाइ बिजाबनि थाखाय "लाइमोन थुलुंगा बान्था" खौ मोननो हादों

तामुलपुर जिला बर' थुन्लाइ आफादनि "फावरि" खुगा लाइसिनिबो सुजुगिरि। सानसुमा बर'आ दासिम गासै गां 6 खन्थाइ बिजाब लिरलांबाय। सोरानि बन्जार (2016), अखाफोरनि बिखायाव सोमखे जोमे (2017), आबिरनि सानसि (2018), जिउनि गाथोन (2019), नॉनिसिम फेफिनदोंमोन (2020) आरो रेबगनि सिमां (2021) बायदि खन्थाइ बिजाबफोरखौ बिथाड सुजुदों।

आसाम कंग्रेसआ एमएलए सेरमन आलिखौ हाज्जानिफ्राय होखाखाय

गुवाहाटी, 4 अक्टोबर: कंग्रेसनि एमएलए सेरमन आलि आहमेदखो दोलोनि आदर्श आरो नेमखान्थिखो मानियालासे गाजि रोखोमनि बिबुंथि लाखिनायनि थाखाय हान्जानिफ्राय होखाखाय। एपिसिसिनि आफादगिरि भुपेन कुमार बराया दिने सेरमन आलि आहमेदखौ हान्जानिफ्राय होखाखायनायनि मोनसे फोसावथिनि गेजेरजों मिथिहोदों। मख'नाय जायोदि, बावैसो सिगां दरं जिल्लायाव आइन बेरेखायै दखल



खालामनानै थानायफोरखौ

होखाखायनायनि सायाव हेंथा गोनां बिबुंथि होनायनि दायव एमएलए सेरमन आलिआ थानाय शनिबारखालि गावनि थाग्रा मावखुलिनिफ्राय पुलिसजों खाजादों। कामरुप जिल्ला चिफ जुडिसिएल मेजिस्ट्रेडनि बिजिरसालिया रबिबारखालि एमएलए सेरमन आलि आहमेदखौ सान्नेनि थाखाय पुलिसनि जिम्मायाव दैथायहरदों। अजद गोनां बिबुंथि लाखिनायनि थाखाय दुलाराय आसाम फरायसा

आफाद, भारतीय जनता युव मर्साजों लोगोसे आसामनि गोबां आफादफोरानो एमएलए सेरमन आलि आहमेदनि हेंथायै गसर थिसन्दोंमोन। बिथानि बे बिबुंथि लाखिनायनि थाखाय दुलाराय आसाम नाडैनो गुबुन गुबुन आफाद गौथुमफोरा आहमेदनि हेंथायै खुद्रिसारनाय आरो मुसुखा सावनायखौबो नुनो मोन्दोंमोन। जोबथा बुल्लियाव दिने सेरमन आलि आहमेदआ कंग्रेस दोलोनिफ्राय होखाखाय।

(□ 1 बिलाइनिफ्राय)

उफ्रा बिसायख'थि: आसाम जातिय परिषदना कंग्रेसआ माजुलि बियाबखौ हगारना होबाय

जुथाय खौरंगिरि जथुम बान्जायनानै आसाम प्रदेश कंग्रेस कमिटिनि आफादगिरि भुपेन बराया आथिखालाव मरियनि, थायव, गसाइगाव आरो तामुलपुर बियाबनि थाखाय बिजाथिनि मुंफोरखौ हाइकामान्दो दैथायहरबाय होन्ना नै मिथिहोयो। भुपेन बराया माजुलि बियाबखौ आसाम जातिय परिषदना गथायना होगोन होन्ना मख'यो। लोगोसेनो भवानिपुर बियाबखौ राइजर दलनो गथायनानै होगोन ना होया बेनि सोमोन्दोयाव थि थान्थि लानो आथिखालावबो आद्रा दं होन्ना नै बुंथियो। भुपेन बराया बिजेपिनि हारियारि गोहोखौ फेजेनानयनि सार्थआव आसामनि गासैबो दोलोफोरखौ खौसे जानायनि थाखाय बेयो थि सम होन्ना खौरंगिरि जथुमयाव बुंथियो। फारसेथिं आसाम जातिय परिषदनि आफादगिरि लुरिनज्योति गौआबो कंग्रेसनि आफादगिरिनि बिजेपिनि हारियारि गोहोखौ फेजेनानयनि सार्थआव गासैबो दोलोखौ खौसे जानायनि थाखाय खावलायनायखौ हेफाजाव होन्ना नै बिजेपिनि एमएलएनि बाइनाय-फान्नाय खामानिया गनतन्त्रनि हेंथा होन्ना नै बुंथियो।

भवानिपुरआव मन्थि फरिमल सुक्लबैद्यआ बिसायख'थियारि फोसावदिं फैदों

जादों, बियाबआव गोबाव सान नाडै एआइइउडिफ दोलोनि सामलायनयनि थाखाय बियाबआव। नाथाय फनिधर तालुकदारआ बे खेबाव एआइइउडिफ दोलो नागरनायनि उनाव बियाबआ बिजेपिनि दख'लाव फेनाया रोखा जाबाय आरो बियाबनि गासैबो जेनाफोरखौ सुफुनायनि अनगायैबो बियाबखौ जौगाखाडारि बियाब महरै सोरंजि जागोन। निखावरि राइजो-राजाफोरनि जेनाफोरखो सुखं जागोन। बे मेलयावनो बारग' एमएलए आरो बिजेपिनि बिजाथि फनिधर तालुकदारआबो बुंदोदि, कंग्रेस, राइजर दल आरो आसाम जातिय परिषदखौ गोखोडे सोंखारिना नै बायदि बाथ्रा बुंथियो। तालुकदारआ बुंथिदोदि, भवानिपुर बियाबनि बे खेबनि उफ्रा बिसायख'थियाव बिजेपिखौ फेजेनानयनि थाखाय कंग्रेस, राइजर दल, आसाम जातिय परिषदजों लोगोसे हेंथा दोलोफोरा गोहो गैया। भवानिपुरनि उफ्रा बिसायख'थियाव भुपेन बरा, लुरिनज्योति गौ, अखिल गौ, कमल मेधोमोनहा खौसे जानानै बिसायख'थियाव बादायलायनो थियारि जानायाव फेलें जागोन। बिटिसिनि बारग' एमसिएलए चक्रधर दासआ सामलायनाय मेतयाव बिजेपिनि दैदेनगिरि जिउ तालुकदारजों लोगोसे माखासे दोलोआरि दैदेनगिरिफोरा बाहागो लाफेदोंमोन।

डेभिड जुलियास आरो अरदम पेटापुटियान मोननो फाहामथाय थाखोयाव होनाय जागोन 2021 नि नबेल बान्था

कमिटिनि गहाय नेहाथारि थ'मास पार्लमानआ दिने बिसेर सानै न'बेल बान्था देरहागिरिफोरनि मुंखौ फोसावदों। देभिड जुलियासआ मोदोमाव आलोग्रा एबा दुंहाव बिदुंखौ मोनदोंग्रा सेन्सरनि सिनायथिनो हानायनि थाखाय बे न'बेल बान्थाखौ मोननो हायो। एरहाय मुलि जाखानायनि उनाव मानसिनि देहानि मोदोम एबा अंगफोरा फिनजाथाय होग्रा सेन्सरखौ सिनायथिनो हानायनि थाखाय अरदम पेटापुटियानआ बे न'बेल बान्थाखौ मोननो हायो। मख'नो गोनादि देभिड जुलियासआ थानाय 1984 माइथायाव केलिफर्निया मुलुगसोसोंसालिनिफ्राय पि एइस डि डिग्री मोननो हादोंमोन आरो आथिखालाव बिथाड सान फ्रेन्सिसक' इडनिभारसिटि अफ केलिफर्नियाआव बिबुंथिनि महरै खामानि मावगासिनो दं। बेराफारसे अरदम पेटापुटियानआ थानाय 1996 माइथायाव केलिफर्निया इनस्टिटुट अफ टेक्न'लजि, पेसाडेनारनिफ्राय पि एइस डि डिग्री मोनानै आथिखालाव बे रिसेर्स इनस्टिटुटआवनो बिबुंथिनि महरै खामानि मावगासिनो दं।

उफ्रा बिसायख'थिनि थाखाय बिजेपिआ दरथाम बियाबआव बिजाथि फोसावबाय

दरथाम बियाब फारिये-41 नं. भवानिपुर, 107 नं. थायव आरो 101 नं. मरियनि बियाबनि थाखाय दोलोआरि बिजाथिनि मुंफोरखौ फोसावना नै होयो। बिजेपिनि बिजाथि फारिलाइ बायदियै मरियनि आरो थायव बियाबआव आगुनि कंग्रेस एमएलएफोर फारियै रुपज्योति कुर्मि आरो सुशान्त बराहायआ बिजेपिनि बिजाथि महरै उफ्रा बिसायख'थियाव बादायलायगोन। फारसेथिं भवानिपुर बियाबआव एआइइउडिफ दोलो नागरनानै बिजेपिआव हाबनाय फनिधन तालुकदारआ बिजेपिनि बिजाथि महरै बादायलायगोन। दर 3 बियाबआव आगुनि एमएलए साथामआ फारियै कंग्रेस आरो एआइइउडिफ दोलो नागरनानै बिजेपिआव हाबनायनि थाखाय उफ्रा बिसायख'थि खुंफुजानो गोनां जागोन। फारसेथिं बिजेपिनि जुथाय दोलो इडपिएलआबो मैया रबिबारखालि तामुलपुर आरो गसाइगाव बियाबआव खुंफुजानो गोनां उफ्रा बिसायख'थिनि थाखाय गावसिनि बिजाथिनि फारिलाइखौ फोसावना होदों। दरनैबो बियाबआव बारग' एमएलए सानैबो सोलिफु बोसोराव खुंफुजालानाय बिधान सभा बिसायख'थिनि फिथाइ मोनानयनि उनावनो रूसारि जानायाव बियाब दरनैयाव उफ्रा बिसायख'थि खुंफुजानो गोनां जागोन।

15 थि बेटेलियन एसएसबिआ थै दान होनाय मावबादा खुंदों

बेखेवनानै होदों। जेराव मेडिकेल कामान्देन्ट डा: निशिकान्त, लेडइ कामान्देन्ट अभिचेक बर्मा, लेडइ कामान्देन्ट नबिन कुमार साह, लोगो कामान्देन्ट प्रबाद कुमार आरो गोबां एसएसबि सान्थिफोर, बरेपेट मेडिकेल कलेजनि पिजि डा: अभिज्ञान महन्त आरो बिथानि गुबुन सा 7 लोगो मावथिफोरावो बाहागो लादोंमोन। बे हाबाफारिनि गेजेरजों गासै सा 75 एसएसबि जवानफोरा गावसिनि थैखौ दान होनायनि गेजेरजों हाबाफारिखौ जाफुंसार खालामदों। बुल्लियाव कामान्देन्ट दुर्गा बाहादुर सनारआ बुंदोदि, बे दान होनायनि गेजेरजों गुबुन गोनां थै जानायफोरनो नांगो समाव थोजासे थै होनायनि गेजेरजों बेसेन गोसा जिउखौ रैखा खालामनो हायो। जों साफ्रोमबो थै दान होनायखौ गोनांथार महरै सानानै लानांगोन आरो बेनि बागै गुबुनखौबो बुजिहोनांगोन होन्ना नै फोरमायथियो कामान्देन्ट दुर्गा बाहादुर सनारआ।

बडाइगावआव गान्धी जयन्ति आरो स्वच्छ भारत सान फालिदों

बिफाननि बान्जायनायाव गान्धी जयन्ति आरो स्वच्छ भारत सान फालिनाय बे हाबाफारियाव गहाय आलासि महरै आसामनि पि एइस इ डि बिफाननि मन्थि रन्जित कुमार दासआ बाहागो लाफेदों। बिथानजों लोगोसे बे हाबाफारियाव स्वच्छ भारत मिसन-ग्रामिन आरो जल जीवन मिसन आसामनि मिसन डिरेक्टर आकास दिप, बडाइगाव जिल्ला बेंगिरि लक्ष्मि प्रिया मोनहाबो बाहागो लादोंमोन। बे हाबाफारियाव बडाइगाव जिल्ला बेंगिरि लक्ष्मि प्रियाआ बराय बिबुंथि लाखिनायनि गेजेरजों बडाइगाव जिल्ला खुंथाया जिल्लायाव स्वच्छ भारत मिसन-ग्रामिन आरो जल जीवन मिसन बिथानिखौ मावफुंनो हानायनि फारिलायफोरखौ रोखायै फोरमायथिना नै होयो। बे हाबाफारियावनो स्वच्छ भारत मिसन-ग्रामिन मिसन डिरेक्टर आकास दिपआ गावनि बिबुंथि लाखिनाय समाव राज्यो नाडै बे बिथानिखौ मावफुंनयनि बागौ फोरमायथिना नै होयो। लोगोसे बिथाड 2 अक्टोबर 2021 खालि राज्यो नाडैनो गासै मोन 88 गामिफोरखौ अ डि एफ एबा लादों जायगायाव खिनाय उदं गामि महरै फोसावनाय जादों होन्ना नै मिथिहोबावो।

चिरानि पानबारिआव हाग्रा बिफाननि बान्जायनायाव आजादी का अमृत फोर्बो खुंदों

फेनाय साफ्रोमखौबो समयखिरा लाहोयो। प्रमद बर'आ बिटिसिआव गोबां सुरां सिखाखिफोरा हाथियारजों लोगोसे गावखौ गथायनायाव मानसनि बाय-डाइभारसिटिनि फारसे हेफाजाव होगोन होन्ना बाथ्रा बुंथियो। बे हाबाफारियाव गहाय आलासि महरै नुजाथि फेना राइज्योनि हाग्रा आरो आबहावा मन्थि फरिमल सुक्लबैद्यआ बिटिसिखौ फैगौ सानफोराव हादतनि गेजेरावनो जौगाखानायनि ओन्सोल जागोन होन्ना बुंथियो। हाबाफारियाव थानाय सानफोराव मानस माहारियारि पार्कनि सिडव उदखारि आरो हाग्रानि मैदेरनि गाग्लोबनायाव रूसारि जानाय सा 10 मुंखं हाग्रा मावफारियानि नख'रारिखौ मानबाउदों। बे हाबाफारियावनो मानस टाइगर प्रजेक्टनिफ्राय फोसावजानाय गांसे सावगाारि बिजाबबो फोसावनाय जादों। हाबाफारियावनो सा-सान्जानि टाइगर प्रजेक्टनिफ्राय हान्जा सुरनानै फेनाय हाग्रा बिबानगिरिफोरखौ मानबाउनाय जादों। बिटिआरनि गहाय मावफुं सोद्रोमा प्रमद बर'आ हाग्रानि जुनात रैखाथि बाय-डाइभारसिटि फोथानाय आरो मानस माहारियारि पार्कखौ दावबायारिफोरनि थाखाय मुंदांखा जायगा महरै सोरंजिनयनि बिथिडाव थान्थि लानायनि बाथ्राखौ मख'यो। बे हाबाफारियाव बिटिआरनि हाग्रा बिफाननि मावफुं सोद्रोमा रन्जित बसुमतारि, बिटिआरनि आखाइ इसान आरो जि-जोम आरिमु आरो आदार सोदंनय बिफाननि मावफुं सोद्रोमा धनन्जय बसुमतारि, बिजनीनि एमएलए अजय कुमार राय, बिटिसिनि गौथुमआरि सोद्रोमा प्रदिप कुमार बायन, गहाय हाग्रा रैखाथिगिरि अनुसंग ठाकुर, जिल्ला बेंगिरि नरेन्द्र कुमार रिजा, पुलिस बिबानगिरि प्रान्जित बर, चिरां हाग्रा डिएफअ ब्रह्मानन्द पाटिरि, मानस टाइगर सहा प्रजेक्टनि बिथोनगिरि आनन्द चन्द्र शर्मा मोनजों लोगोसे हाग्रा सैरखाथिग्रा आफाद आरो बिफाननि बिबानगिरि-मावफारियाफोरा नुजाथि फेदोंमोन।

कंगनानि फेन्सफोरा जया बच्चनखौ गोख्रौं रावजो सौंखारिदों

शाहरु खानि फिसाज्ला आर्यननि ड्रग्स केसआव ग्रेप्टार जानायनि उनाव आरोबाव खनसे बलीउडआ नोजोरव थारदों। बे खेबआव कंगना रनटनि जायगायाव बिनि फेन्सफोरा बिग बीनि बिसि आरो एमपि जया बच्चननि सायाव सौंखारिदों। कंगनानि फेन पेजआ जया बच्चननियव सशेल मिडियानि गेजेरजों सौंथि सौंदोंदि, शाहरुख खाननि फिसाज्लाया जाय हाबाफारिखौ मावदों बेनि सायाव साजाखौ होगोन ना होया? शाहरुख खाननि फिसाज्लाखौ फेग्रा मुवा लानाय केसआव हमनो मोन्दों अब्ला जयाआ मानो सिरिये दड? बेनि सिगां 26 आगस्ट 2020 आव खालामनाय मोनसे दुइटाव कंगनाया बलीउडखौ जेना गोनां होन्ना बुंदोंमोन आरो



गाहाय मन्थिनाव बेखौ सुखानो आर'ज गाबदोंमोन। गावनि दुइटाव कंगनाया लिरदोंमोन जुदि एनसिबिआ बलिउडआव हाबोब्ला माखासे गोलाव

फारिलाइनि सुबुंफोरा जोबथेसालियाव थानांगोन। जुदि थैनि नायबिजिरोब्ला माखासे गोमोथाव बाश्राफोरबो सोराडव फेगोन। आसा खालामोदि, गाहाय मन्थि मावख'आ स्वच्छ

भारत मिशननि गेजेरजों बै जेनाखौबो सुखानो, जायखौ बलिउड बुंनय जायो। जया बच्चनआ रडिज्यो सभायाव मुं लाया लासे कंगना रनट आरो रवि किशाननि सायाव गोख्रों

बाश्रा बुंदोंमोन। बियो ड्रग्स केसआव बलिउडखौ बदनाम खालामनाय आरो बेखौ जेना गोनां फोरमायनायाव रागा जौंदोंमोन। बियो बुंदोंमोन जाय सुबुंफोरा सावथुन इन्डास्ट्रिजों मुं आरजिदों, बिसोरो बेखौ जेना गोनां होन्ना फोरमायदों। आं बेखौ एसेबो गनाया। एन्टारटेन्मेन्ट इन्डास्ट्रिआव माखासे एरेबायदि सुबुंफोर दड जाय बयनिखुइबो बांसिन टेक्स होयो, थेवब्लाबो बिसोरखौनो बांसिन नारसिन्नाय जायो। जयाआ बुंवावदोंमोन सरकारआ एन्टारटेन्मेन्ट इन्डास्ट्रिजों लोगोसे गंसे थानांगौ। मानोना बे इन्डास्ट्रिआ अरायसम सरकारनि मदतनि थाखाय आवगयबोयो, सरकारआ जेखि मोजां हाबाफारि मावा मानो इन्डास्ट्रिनि सुबुंफोरा बेनि सोमोन्दे बाश्रा सावरायो आरो मदत खालामो।

सावथुन बानायगिरिफोरा सिनेमा हलफोरखौ सावथुनफोरजों बुंफब होदों

महापट्ट सार्किटखौ 22 अक्टबरनिफ्राय खुलिसिगोन। बेनि जाहोनाव सिनेमाहलफोरव फेनो गोनां से बोसोरव 2 दर्जननिफ्राय बांसिन गिदिर सावथुनफोर रिलीस जागोन। बेजों हादतनाडैनो सिनेमाहलफोर सावथुनफोरजों बुंफबदों। मोनथिनाय बायदिल्ला फेनो गोनां से बोसोरव गासै 15 निफ्राय बांसिन सावथुनफोरा गावजों गाव एखे अक्टआव मोगा-मोगि जागोन। बेफोर सावथुनफोरनो जादों 'गंगुबाइ-आरआरआर, आदिपुरुष-रक्षाबन्धन, हीरपन्ती 2-मेडे, केजीएफ 2-भेडिया, शमशेरा-लाभ रन्जन फिल्म, बुध्वीराज-एटेक, सुर्यबन्शी-इटरनल्स। माखासे सुबुंफोरनि बायदिल्ला बेजों प्रडिउसरफोर ख'हा जानो हागौ आरो गुबुन फारसेथि माखासे सुबुंफोर दाबि दैखांदोंदि, बावैसो समनि थासारिजों रावहाबो जेबो ख'हा जानाय नड।

ड्रग्स केसआव हमजानायनि सिगां आर्यन खानआ बिफा शाहरुख खाननि हाबायाव हेफाजाब होदोंमोन

सुपरस्टार शाहरुख खान आरो गौरी खाननि फिसाज्ला आर्यन खानखौ ड्रग्स केसआव एनसिबिआ ग्रेप्टार खालामदों। मुम्बाइआव रेव पार्टीआव खना-खनला सिग्रोमनायनि उनाव आर्यन खानखौ ग्रेप्टार खालामनाय जादोंमोन आरो आधिखालआव बियो एनसिबिनि जिम्मायाव दड। आर्यन खानजों लोगोसे गासै सा 7 गुबुन




लोगोफोरखौबो ग्रेप्टार खालामनाय जादों। मख'नो गोनांदि, शाहरुख खाननि फिसाज्ला आर्यन खाननि बलीउड डेब्युखौ कौटि कौटि फेन्सफोर नेनानै दड। आर्यनखौ दासिमबो जेबो सावथुनआव नुनो मोनाखै। दासिमाव सिल्भार स्क्रीनआव फेनो थियारि खालामनाय आर्यन खानआ थानाय माखासे सानसिम गावनि बिफानि मोनसे प्रजेक्टआव बिखो मदत होदोंमोन। बलीउड लाइफनि मोनसे रिपटनि बायदिल्ला आर्यन खानआ थानाय माखासे समसिमाव सावथुन 'पठान'नि एक्सन सिक्वेन्सनि शूट खालामहोनायाव शाहरुख खानखौ मदत खालामदोंमोन। मोनथिनाय बायदिल्ला शाहरुख खानआ आधिखालआव सिद्धार्थ

आनान्दिनि बिथोन होनायाव बानायनाय सावथुन पठाननि शूटिआव नांथाबनानै दड। जायखौ प्रडाक्शन यश राज फिल्मसआ खालामदों। खौरनि बायदिल्ला 'पठान'नि एक्शन सिक्वेन्सनि थाखाय शाहरुख खानआ गावनि फिसाज्ला आर्यनजों टिप्स लादोंमोन, जाहाथे लाइमोन नायगिरिफोरा बिजों सरजाबनो हायो। मोनसे सुलुडा फोरमायदोंदि, शाहरुख खाननि देरसिन फिसाज्ला आर्यन खानआ सावथुननि एक्शन सिनफोरव गावनि इनपुटखौ होनायाव गोबां गोसो होदों। शाहरुख खानआ माखासे खेब आर्यन आरो सावथुन मेकिआव बिनि गोथौ सान्नाय हनायखौ लानानै बाश्रा सावरायखांवा।

एश्वर्य रायखौ पेरिस फेसन वीकनि सावगारिफोराव टूल खालामदों

एश्वर्य रायआ मोनसे पेरिस फेसन वीकनि हाबाफारियाव फ्रान्सआव दैह्यो। रबिबाराव मोनसे कस्मेटिक ब्रेन्डनि थाखाय बियो रेम्प वाक खालामदों, जायनि सावगारिफोरा सशेल मिडियाआव साग्लोबसारनानै थारदों। एश्वर्यनि उनाव एफेल टावारखौ नुनो मोन्दों आरो रेम्पआव माखासे मडेलारफोरखौबो नुनो मोन्दों। एश्वर्यआ गुफुर गाबनि आउटफिटगादों। एश्वर्यखौ रेड कार्पेट एबा रेम्पआव नायनो थाखाय सुबुंफोर अराय सम उषु-खुथु जानानै थयो। गोबाव समनि उनाव बिखौ फेसन स्वआव नुनो मोनानै बिनि फेन्सफोरा गोबां खुसि जादों, फारसेथि माखासे सुबुंफोर बिनि लुकआव नेगेटिभ कमेन्टबो खालामदों। एश्वर्य रायआ



पेरिसआव (Le Defile L'Oreal Paris 2021 Womenswear Spring Summer 2022 स्वआव बाहागो लादों। बिनि रेम्प वाकनि भिडिअ आरो सावगारिफोरा सशेल मिडियाआव भाइरेल जादों। गुफुर गाबनि आउटफिटआव एश्वर्यखौ गोबां ग्रेसफुल नुनो मोन्दोंमोन। फारसेथि माखासे सुबुंफोर बिनि लुक आरो मेकआपखौ मोजां मोनाखै। बिनि भाइरेल जानाय

सावगारिफोराव सुबुंफोरा नेगेटिभ कमेन्ट खालामदों। सासे रीडरआ लिरदोंदि, गिबि खेब एश्वर्यखौ समायना नुदों। गुबुन सासे सुबुंआ लिरदों 'बेबी बम्प बबेहाय थाड' माखासे सुबुंफोर एश्वर्यनि बांनय लेरथायनि सायाव कमेन्ट खालामदोंब्ला माखासे बिनि मेकआप आरो आउटफिटखौ दाय होदों। माखासे सुबुंफोरा मोनसे सावगारियाव बिनि आसुगुरफोरखौ नुनानैबो गोनो गोथो जादों।

जोथोब


(2 बिलाइनिफ्राय) जिनिज जाना थालांखानाय। रनजित आलाय लांथारगौमोन। नाथाय बिफाया गाव बिहामजो लुबैनायबादि बाजि रोजारंखौ अनसुमै बिफाया फिसाजोनो हरफानो हायैआव अनसुमैनि जुलिनि अखांसे हासे गोथार मिजिंआ फैमाल जानांदों।

सिबाय अनसुमै हांमा थाबाय। हाबाखौ गात्रि नंबाय मानोना जोथोबनि थाखायनो गावनि हाबाखौ जानाय नंला सानबाय। जोथोबनि थाखायनो बिनि गोथार मिजिंकआ धेर बेथेर जानांबाय। सिबाय बिफायाबो खाफाल हमनांबाय फिसा हिन्जाव खानानै। अनसुमै बिफाल

नडा गोनां दलाम बिफा बिमाफोरा खाफाल हमनांबाय फिसानि थाखाय बि गात्रि जोथोबनि थाखायनो। अनसुमैआ बुंदों, "बिफोरखि ईनाय जायाखै हौवा गाहाय समाजनि? हिन्जावफोरनाव जोथोबनि सादिनाया?? ..जोथोबनि दाहाराव गोजावानानै दिनें बर' माहारि आ दिनें हौवाफोरनि मानबताखौ जोगारबाय।"

गाहाम देहानि राहा

करना बोथोराव देहाखौ गाहामै लाखिनो थाखाय डाइटआव बे फिथाइ-सामथाइफोरखौ लाफानाया गोनां



बेक्टोरिया इन्फेक्सननि अलखदआ खम जायो। 2. केप्सिकाम: गोथां गोमो आरो गोजा गाबनि केप्सिकामआव गोबां बिबानि दै मोन्नाय जायो। बेयाव भिटांमिन-सि, भिटांमिन-बि 6, भिटा केरटीन, थायमिन आरो फलिक एसिड मोन्नाय जायो, जाय जेहानि थाखाय जोबोद मुलाम्फा गोनां जायो। केप्सिकामआव बांसिनै 94 बिबानि दै थयो, जाय देहानि थाखाय जोबोद मुलाम्फा गोनां जायो। बेजों देहाया हाइड्रेट्यै थयो। बेखौ जानायजों अक्सिडेतिभ स्ट्रेसआ खम जायो। अक्सिडेतिभ स्ट्रेसनि जाहोनाव इमिउनिटि सिस्टेमआ लोरबां जायो। 3. आमलाय: आमलायखौ मुलिफोरनि फुंखा महरै गनायनाय जायो। गोदो-

गोदान दिल्ली, 4 अक्टबर: करना बोथोराव देहाखौ गोख्रोडै लाखिनो थाखाय इमिउनिटि सिस्टेमखौ गोख्रोडै लाखिनाया गोनां। बेनि थाखाय मोजां रुटिन, गाहाम जानाय-लौनाय आरो थोजासे उन्दुनायनि गोनांथि दं। बेनि अनगायैबो सानफ्रोमबो एक्सरसाइसबो खालामनांगौ। डाक्टरफोरबो करना भाइरासनिफ्राय रैखा खालामनो थाखाय इमिउनिटि सिस्टेमखौ गोख्रों खालामनो बोसोन होयो। बेनि सोलायै मौसुमी बोथोराव जानो गोनां बेरामफोरजों लोगोसे इन्फेक्सननि लैखोनआ खम जायो। जुदि नोंथाडबो करना बोथोराव देहाखौ गाहामै लाखिनो लुबैदोंब्ला गावनि डाइटआव गाहायाव होनाय फिथाइ-सामथाइफोरखौ लाफानो हागोन। बेखौ जानायजों इमिउनिटि सिस्टेमा गोख्रों जायो। 1. आनारस: गोदो-गोदायनिफ्रायनो दोगोन तन्त्रखौ गोख्रों खालामनो आरो

बुखानायखौ खम खालामनो थाखाय आनारस जानाय जायो। बेयाव भिटांमिन-सि आरो मेगनीजखौ थोजासे बिबाडै मोन्नाय जायो। लोगोसे

गोदायनि फायनो आयुर्वेडिकआव आमलायखौ मुलि बायदियै बाहाय बोदों। मोनसे नायबिजिरनाय बायदिल्ला, कमला फिथाइनि रुजुनायाव थायसे आमलायाव 20 गुमनि बांसिन भिटांमिन-सि मोन्नाय जायो। बेखौ जानायजों इमिउनिटि सिस्टेमआ गोख्रों जायो। लोगोसे भेटाबलिज्मआबो गोख्रों जायो। बेनिखायनो सानफ्रोमबो आमलायनि जुसखौ लौनो हागोन। {नट: बेयाव होनाय राहाखौ आजावना लानायनि सिगां डाक्टरनि बोसोन लागो}।



सिरि ए आव लकाटेलिनि गल सोनायजों जुभेन्टासआ 1-0 गलाव देरहादों

मिलान, 4 अक्टबर: मेनुएल लकाटेलिनि जोबथा बुल्लियाव गल सोनायनि गेजेरजों जुभेन्टासआ इटालियान फुटबल लीग सिरि एनि मोनसे मेचआव टरिननि हेंथायै 1-0 गलाव देरहानो हायो। लकाटेलिआ 86 मिनिटआव गल सोना हान्जाखौ देरहानायजों लोगोसे 7 मेचआव खेबथाम देरहानो हायो आरो 11 पइन्ट लानानै फारिलाइनि 8 थि सालियाव जायगा आवगिनो हायो। इन्टार मिलान, सासुओलखौ 2-1 गलनि फारागथियाव

फेजेन्नानै नेपालनि उनाव नैथि मासि आवगिनो हायो। नेपलीआ 6 मेचआव

मिलानआ 7 मेचआव 17 पइन्ट आरजिनो हादों। सासुओलनि डमेनिक बेशडिआ 22 मिनिटआव पेनालिट गल किक खाबुखौ फेलें खालामाजाये सोनो हानायजों हान्जानो देरहानायनि मिजिं होनो हादोंमोन। नाथाय एडिन जेकाआ 58 मिनिटआव गल सोना समान खालामनो हायो। बेनिनो 78 मिनिटआव लाटेर' माटनेजआ पेनालिट गल सोना गावनि हान्जाखौ देरहासारहोनो हायो।

मिलान, 4 अक्टबर: मेनुएल लकाटेलिनि जोबथा बुल्लियाव गल सोनायनि गेजेरजों जुभेन्टासआ इटालियान फुटबल लीग सिरि एनि मोनसे मेचआव टरिननि हेंथायै 1-0 गलाव देरहानो हायो। लकाटेलिआ 86 मिनिटआव गल सोना हान्जाखौ देरहानायजों लोगोसे 7 मेचआव खेबथाम देरहानो हायो आरो 11 पइन्ट लानानै फारिलाइनि 8 थि सालियाव जायगा आवगिनो हायो। इन्टार मिलान, सासुओलखौ 2-1 गलनि फारागथियाव



मिलान, 4 अक्टबर: मेनुएल लकाटेलिनि जोबथा बुल्लियाव गल सोनायनि गेजेरजों जुभेन्टासआ इटालियान फुटबल लीग सिरि एनि मोनसे मेचआव टरिननि हेंथायै 1-0 गलाव देरहानो हायो। लकाटेलिआ 86 मिनिटआव गल सोना हान्जाखौ देरहानायजों लोगोसे 7 मेचआव खेबथाम देरहानो हायो आरो 11 पइन्ट लानानै फारिलाइनि 8 थि सालियाव जायगा आवगिनो हायो। इन्टार मिलान, सासुओलखौ 2-1 गलनि फारागथियाव

आइ आर सि टि सिया सा-सान्जा भारतनि समायना मिथिंगायारि नुथायनि गोजेन्याय लानो दावबायदिं पेकेज लाबोदों

गोदान दिल्ली, 4 अक्टूबर: भारतीय रेलवे जाग्रा आदार आरो दावबायदिं निगम (आइ आर सि टि सि) आ सा-सान्जा राइज्योफोरखौ दावबायनो थाखाय गंसे जरखा टुर पेकेज एबा दावबायदिंनाय हाबाफारि लानानै फैंदों। आइ आर सि टि सि नि "देखो अपना देश" नि जर'खा बिथांखिनि गेजेरजों जर'खा दावबायारि ट्रेन सिबिथायखौ जागायनो थांगसिनो दं। गासै 14 हर आरो 15 साननि बे ट्रिपआव दावबायारिफोरखौ बै जायगाफोराव लांनाय जागोन। जाय जायगायाव सुबुंफोरनि होंगो-दोंगो गैया। बेजों लोगोसेनो नुफेरै आरो सानखांथावै समायना मिथिंगायारि नुतायफोरखो नुनो मोनगोन। आइ आर सि टि सि नि सासे बिबानगिरिया फोरमायनाय बादिब्ला, कम्पनीआ हादतनि सा-सान्जा राइज्योफोराव गिबि खेब जरखा दावबायारि ट्रेन सिबिथाय होनो यजना बानायनाय जादों। बे दावबायनाय दिल्लीनि सफदरजं रेलवे स्टेसननिफ्राय जागायजेन्नानै सा-सान्जा



भारतनि दर 5 जरखा राइज्योफोराव गिदिंगोन। बेयाव आसामनि गुवाहाटी, काजिरडा आरो जरहाट, अरुनाचल प्रदेशआव इटानगर, नागालेन्डआव कहिमा, त्रिपुणआव उना कटि, आगरटला आरो उदयपुर, मेघालयआव सिलं, चेरापुन्जी बायदि मुंदांखा जायगाफोर दं। दावबायारिफोरा बे ट्रेनआव दिल्लीनि सफदरजं, गाजियाबाद, टुडंला, कानपुर, लक्ष्नी, बाराणसी आरो पाटना रेलवे स्टेसनफोरनिफ्राय

गाखोनो हागोन। बे ट्रेनआ 26 नभेम्बरार दिल्ली सफदरजं स्टेसननिफ्राय खारजेनगोन। बे टुरखौ दावबायारिफोरनि मोजां मोन्नायखौ नोजोर होनानै थियारि खालामनाय जादों। बे दावबायदिंनायखौ मेहेर गोनं खालामनो थाखाय आसामनि काजिरडा माहारियारि पार्कआव जंगल साफारि आरो मेघालयनि रुट ब्रिजआव मोनसे ट्रेक पेकेजबो दं। बे दावबायनाय दावबायारिफोरा गुवाहाटी,

खामाख्या मन्दिर आरो त्रिपुरानि त्रिपुर सुन्दरी मन्दिरखौबो दर्सन खालामनो खाबु मोनगोन। फासैथिं मिथिंगायारि अनफारिफोरनि थाखायबो ब्रह्मपुत्र दैमायाव दावबायनो आरो आसामनि समायना साहा बागानफोराव बेरायदिंनायनिबो यजना बानायदों। बे दावबायनायनि थाखाय दावबायारिफोरा सासेयाव 2 एसनि थाखाय 85,495 रं आरो 1 एसनि थाखाय 1,02,430 रं होनांगोन।

पेगम्बरनि जेंना गोनां कार्टुन बानायग्रा कार्टुनिस्टआ लामानि जाब्रबथायाव जिउ गोमाबाय

गोदान दिल्ली, 4 अक्टूबर: पेगम्बर महम्मदिनि जेंना गोनां कार्टुन बानायनानै खोरडाव फेनाय स्वीडिश कार्टुनिस्ट लार्स विल्कसआ लामानि जाब्रबथायाव रंसारि जायो। रिपर्टनि बायदिब्ला, पुलिसनि रेखाथियाव दावबायबाय थानाय विल्कसनि कारआ लामानि गुबुन फारसे बेलथाय लाडे। बे लामायाव फेनाय थानाय गंसे ट्राकआ बिनि कारखौ सौफैयो आरो गंनैबो गारियाव अर नाडे। बे जाथायाव ट्राकनि ड्राइभरआबो खामथारो। बे जाथाया थानाय रबिबार खालि जायो। मख'नो गोनांदि, पेगम्बर महम्मदिनि सायाव थानाय 2007 आव जेंना गोनां कार्टुन बानायनायनि उनाव 75 बोसोर बैसोनि लार्स विल्कसआ लानिश्चयै बुथारनायनि हुमखि मोनबाय थादोंमोन। थानाय 2007 नि सेपेम्बरार अल कायदाआ बिनि खर'लाबोग्रानो 1 लाख डलार होनो फोसावदोंमोन।



हुमखि मोनबाय थानायनि उनाव बिनि रेखाथिनि ताकाय सानै पुलिस मावसुमाखौ थिसनदोंमोन। बे जाब्रबथायाव बिसोरबो थैयो। सुइडेननि स्पेशल पुलिस हान्जाआ बे जाथायखौ नाबिजिरगासिनो दं। पुलिसआ बे जाथायखौ सोरबा गोसो जानानै खालामदों नामा

बेखौबो नाइबिजिरगासिनो दं। थानाय 2015 आव लार्स विल्कसआ डेनमार्क नि राजथावनि कपेहगाननि कुइडन्डेन केफेयाव सुबुंफोरखौ सोमोन्दै लाखिबाय थादोंमोन। बेयाव उमर अल-हुसेन मुंनि हाथियार लाग्राया बेयाव हरखाबै फायरि खालामनो जागायो, नाथाय

बेयाव विल्कसआ जेरैखि जायाब्लाबो बारग'दोंमोन। थानाय 2011 आवबो पेनसिल्वेनियानि थागिबि 51 बोसोर बैसोनि कलिन लरजआ विल्कसनि सायाव गागलोबदोंमोन आरो 2014 आव लरजखौ बे जाथायनि थाखाय दाय हमदोंमोन।

सुइजालेन्डआव भेक्सिन थुनायखौ बारायहोग्राफोरनो सरकार सिनेमा आरो रेस्टुरेन्टनि टकेन गिफ्ट होगोन

बार्न, 4 अक्टूबर: सुइजालेन्डनि सरकारआ भेक्सिननि थाखाय थुलुंगा होग्रा साफ्रोमबो नोगोरारिफोरा गासै 4 रोजा रंनि टकेन गिफ्ट होनो फोसावयो। बे टकेनखौ कभिड-19 नि हेंथायै भेक्सिन थुजानो थाखाय राजि जानाय सुबुंफोरा मोनगोन। बेयावनि सरकार हादतआव खम भेक्सिन थुनायनि रेटखौ बारायहोनो थाखाय बे थांखिखौ लायो। बेयाव साफ्रोमबो गोदान थिका थुजाग्राफोरखौ बै सुबुंनि मुंखौ फोरमायनो थाखाय बुनाय जागोन, जाय बिसोरखौ थिका थुजानो थाखाय राजि खालामदोंमोन। बे टकेनखौ सिनेमा आरो रेस्टुरेन्टआव बाहायनो हागोन। सरकारआ

बुनाय बादिब्ला भेक्सिन थुनायनि मुलाम्फानि सोमोन्दै नसुसे आरो नख'रनि सुबुंफोरनो थुलुंगा होनायाव बयबो मदत होनो हागोन। बेनि गेजेरजों थुलुंगा होग्रा सुबुंफोरनो डावार्डबो होनाय जागोन। मख'नो गोनांदि, सोनाब इउरपआव सुइजालेन्डआव भेक्सिन थुनायनि बिबाडा बयनिखुइबो खम। बे हादतनि 87 लाख थागिबिफोरनि गेजेराव 58 जौखोन्दोल' आबुडे' भेक्सिन थुनाय जादों। बे हादतआ दासिमाव 1 कौटि 19 लाख भेक्सिननि ड्रप मोनबाय आरो बिसोरनि गेजेराव 1 कौटि 4 लाख ड्रपखौ थुखांबाय। बे हादतआव भेक्सिन थुनाय

हाबाफारिनि हेंथायै माखासे फसंथानफोरा हेंथाबो होदों। सुलु'नि बादिब्ला सुइजालेन्डआव करनानि केसआ खम जाबाय। नाथाय सरकारनि बुनाय बादिब्ला आइसिउआव थिसनजानायफोरनि अनगायैबो दासिमबो खम जायाखै। डेल्टा भेरियेन्टनि खैफोदखौ नोजोर होनानै गोजां बोथोरव इन्वेक्सनआ बारायनो हागौ होनानै सन्देह खालामनाय जादों। बेनि जाहोनाव देहा फाहामसालिफोराव कभिड बेमारिफोरनि अन्जिमाया बारायनो हागौ। सरकारा भेक्सिन थुनाय हाबाफारियाव 1000 कौटि खरसा खालामगोन।

सान्थि हान्जानि गं 20 गारिफोरा पेट्रल लुथिनायनि सन्देह 'जों टेंकारनि उन उन होसोनानै गोग्लैहदों

लन्दन 4 अक्टूबर: ब्रिटेनआव प्युल एबा पेट्रल-डिजेलनि साप्लाइ खालामनायखौ लानानै दावराव-दावसि सोमजिदों। माखासे साप्लाइनफ्राय सोलिनया जेंनानि जाहोनाव पाम्पआव बुफाय-बुसि खालामनायनि उनाव आथिखालाव लुथिनाय जादों। बेबायदिनो मोनसे केसआव सुबुंफोरा बै समाव गोमोदों जेब्ला गासै गं 20 गारिफोरनो गाखोनाय सुबुंफोरा थोंजोडै थावखौ लानो थाखाय बि ल स्ट न फ 1 य नर्थम्पटनशायरसिम गासै 70 माइल गारि सालायनानै थाव टेंकारनि उन उन होसोदों। गारियाव गाखोनाय सुबुंफोरा बे टेंकारआव पेट्रल एबा डिजेल थागोन होन्नानै सन्देह



खालामदोंमोन। नाथाय जेब्ला नुंगुबैया सोराडव फैयो अब्ला बे गारि सालायगिरिया गोमोयो मानोना बे टेंकारव पेट्रलियाम प्रडाक्टफोरनि अनगायै सीमेन्टबो दंमोन। टेंकारनि ड्राइभरआ जेब्ला गंसे कन्स्ट्रक्सन साइटआव गारिखौ लाखियो अब्लासो

नुंगुबैया मिथियो। सुबुंफोरा ट्राक ड्राइभरखौ बेनिखायनो माखासे गोखों बाश्रा खोनास होदों, मानोना जेब्ला सुबुंफोरा बिनियाव माखासे बाश्राफोरखौ सोंनो नाजादों अब्ला बियो गारिखौ लाखियाखै। खौरानि बायदिब्ला टेंकार सालायगिरि

एन्डारसनआ उनाव मिडियानो फोरमायदोंदि, गावनि उनाव माखासे सान्थिफोरनि गारिया फैंदोंमोन। नाथाय गाव बेनि सायाव जरखा नोजोर होयाखै। थासारिखौ बेबाश्राजोंबो हमदंनो हायोदि, आयेन बेबस्थाखौ सरासन्हा खालामनायजों

लोगोसे पेट्रलियामखौ बाहायगिरिफोरनो जागायना होनो थाखाय सान्थि हान्जाफोरखौ लामाफोरव थिसन्याय जादों। आर्मिनि ड्राइभरफोर दिनेनिफ्राय फरकर्टआव प्युल साप्लाइखौ दैथाय हरनो थाखाय गावसोरनि प फिजसनखौ सामलायसिगोन।

पाकिस्तानआ मुलुगनि थाखाय अलखद गोनां, बेखौ बखद खालामनांगौ: बेल्लियामनि एमपि

पाकिस्तान, 4 अक्टूबर: उतखारिफोरा पाकिस्ताननि सापर्ट मोन्नायखौ रावबो दोनखोमानो हाया। तालिबानखौ सापर्ट होनानै पाकिस्तानआ बे बाश्राखौ आरोबाव रोखा खालामबावबाय। बेनि उनाव आथिखालाव हारिमायारि थाखोयाव पाकिस्तानखौ सोंखारिनाया जागायबाय। सा इउरपनि हादत बेल्लियामनि प्रेस क्लावआव मोनसे हाबाफारि खुनाय जायो। बेयाव पाकिस्तानआ मदत खालामग्रा उतखारिफोरनि सायाव जिंगा सिनाय फोरमायो। बे



हाबाफारियाव बाहागो लानाय बेल्लियामनि एमपि फिलिप डेविन्टारआ पाकिस्तानखौ उतखारि हादत होन्ना फोरमायनानै बिसोरनि

एक्टिभिटिनि सायाव जिंगा सिनाय फोरमायो। बिथाड बुंदों, बेल्लियामआ उतखारिफोरखौ मदत खालामग्रा पाकिस्तानजों लोगोसे जेबो सोमोन्दो लाखिनो

नाडा। तालिबान बायदिनो पाकिस्तानआबो मुलुगनि थाखाय मोनसे अलखद। बेनि सोमोन्दै डेविन्टरआ बुंवावदों, पाकिस्तानआ गोबां सिगांनिफ्रायनो हारिमायारि उतखारिफोरखौ बारायहोबोदों आरो उनावबो बाराय होबाय थागोन। बेनिखायनो मुलुगनाडै हादतफोरा खौसे जानानै पाकिस्तानखौ बयकट खालामनांगौ। मानोना पाकिस्तानआ गासै ओन्सोलखौ गोजोन गैयै खालामनो नाजायो। आफगानिस्तानआव तालिबानखौ फेहोफिन्नायाव पाकिस्ताननि सान्थिफोरा आबुडे' मदत खालामदों। बेजों मुलुगनि सिगाडाव गिदिर अलखदआ नुजाथिबाय। आफगानिस्ताननिफ्राय आमेरिकानि सान्थिफोर थानायनि उनाव इउरपनिफ्राय सिरिया थंग्रा उतखारि मुस्लिमफोरनि अन्जिमाया बारायनो हागौ। बेजों हारिमायारि उतखारिफोरा बारायगोन। पाकिस्ताननि अनगायै भारतनि जम्मु आरो काश्मीरावबो उतखारिफोरा बारायनो हागौ। अदेवानि उतखारिफोर बारायनायाव पाकिस्ताननि आखाय दड।

आमेरिकानि बांसिन राइज्योफोराव भेक्सिन थुदोंब्लाबो डेल्टानि गोहोम गोग्लैदों

वाशिंग्टन, 4 अक्टूबर: आमेरिकानि गोदान इंग्लेन्ड ओन्सोलनि राइज्योफोराव बांसिनै भेक्सिन थुदोंब्लाबो करना भाइरासनि डेल्टा भेरिएन्टआ गिखंथाव थासारि सोमजिहोदों। ओन्सोलनि देहा फाहामसालिफोराव इनफेक्सन जानाय बेरामिफोरा होंगो-दोंगो जादों, आइसिइउआव जायगाफोरा गैयै जादों आरो स्टाफआबो खम थुजायाखै बिसोरखौ थाबैनो भेक्सिन थुजानो आर'ज गाबनाय जादों। देहा फाहामसालिफोराव करनानि बेरामिफोर होंगो दोंगो जानायनि जाहोनाव गुबुन हाहाम देहा सिबिथाय होग्राफोरनि सायाव गोहोम गोग्लैदों। वरमान्तआव करनार्जों सोमोन्दो गोनां


केसफोरखौ नोजोर होग्रा रंखाथि सामलायग्रा बिफाननि कमिसनार माइकेल पीसियाकआ बुंदों आं मोनथिगौदि, बेयो जों साफ्रोमबोनि थाखाय रोखा महैर गोबां दुखुनांथाव जादों। बियो बुंवावदों जों हास्थायोदि, फरायसालिआव गथ'फोरा रेखाथियै थाथों आरो गथ'फोरनि बिमा बिफाफोरा बिसोरनि सोलेंथाय लानाय आरो हाहाम देहाखौ लानानै जिंगा सिनांगौ गोनां दाजाथों। गोदान इंग्लेन्डनि माखासे ओन्सोलफोरव करना इनफेक्सननि रिर्कर्ट केसखौ मोन्दों आरो गोबां अन्जिमायाव बेरामिफोरा थैदों। बिसोरनि गेजेराव बांसिन सुबुंफोर भेक्सिन थुजायाखै। अन्जिमानि बायदिब्ला बांसिन भेक्सिन

थुनाय दर 5 राइज्योफोरा गोदान इंग्लेन्ड ओन्सोलनि। बेनि गेजेराव बयनिखुइबो सिगांसिन वरमान्तआ दड। बेनि उनाव कनेक्टीकट, मेन, रड आइलेन्ड

आरो मेसाचसेटसा दड। गोदान इंग्लेन्ड ओन्सोलनि फिसा राइज्यो गोदान हेन्पशायरआ भेक्सिन थुनायनि केसआव 10 थि थाखोयाव थादों।

ला लीगा 2021-22: लुइस सुआरेजनि मदतजों एथलेटिक माद्रिदआ बर्सिलनाखौ 2-0 गलाव फेजेन्दों

बार्सिलना, 4 अक्टूबर: एपसि बार्सिलनाया फेबाय थानाय समनि गेजेराव कच रनाल्ड कमेनखौ होखारनायनि लामायाव, जेराव थानाय रबिबारआव एथलेटिक माद्रिदनि आखाइयाव 2-0 गलनि फारागथिजों जेन्नो गोनां जादोंमोन। कमेनआ गावनि जागायजेन्नानाय 11 आव



लाइमोन गेलेगिरि निकं गनजालेस आरो गावखौ

थिसन्दोंमोन। लाइमोन गेलेगिरिफोरा मोजाडै

गेलेदोंमोनब्लाबो एथलेटिक माद्रिदनि तमास लिमारआ गिब हाफआव जआउ फेलिक्स आरो लुइस सुआरेजनि मदतजों गल सोनो हायो आरो हान्जाखौ 2-0 गलआव देरहासारहोनो हायो। नैथ हाफआव अनसु पतिखौ गेलेहोदोंमोनब्लाबो बार्सिलनाआ गावनि गोखों गेलेनायखौ दिन्थिफु'नो

हायाखै मोन आरो गोखों एथलेटिक माद्रिद हान्जाजों मोन्नैबो हाफआव जेन्नादोंमोन। मुन सानसेजनि हेडिं गल सोनायनि गेजेरजों असासुनाआ रय' बेलेनकान'नि हेंथायै देरहासारनो हायो आरो रय' बेलेनकान'नि लान्थियै 5 खेब देरहानायखौ होबथानो हायो।

पाकिस्ताननि केप्टेन बाबर आजमआ टी-20 आव 7 रोजा रान खालामनो हादों

गोदान दिल्ली, 4 अक्टोबर: पाकिस्ताननि केप्टेन बाबर आजमआ टी-20 आव गोख्रैसिन 7 रोजा रान खालामनो हानाय बेटिं खालामग्रा जानो हाबाय। बिथाड सोलिगासिनो थानाय पाकिस्ताननि नेसनेल टी-20 दुर्नामेन्टआव सेन्टेल पान्जाबनि जानानै गेलेनायाव खोला पान्जाबनि हेंथायै 49 बलाव 59 रान खालामनो हायो। बिथाड गावनि बेटिं खालामनायाव 5 बाउन्डारि आरो खेबनै स्क्रिस बुनो हादोंमोन। आजमआ गावनि बुनाय समाव 25 रान लानानै क्रिस गेल आरो बिराट कहलीखौ उन खालामना दोनो। आजमआ 187 मेचआव 7 रोजा रान आबुं खालामनो हादोंमोन, बेनिनो



क्रिस गेलआ 192 मेचआव आरो बिराट कहलीआ 212 मेचआव 7 रोजा रानखौ आबुं खालामनोमोन। बाबर आजमआ टी-20 नि 196 मेचनि, 187 खेब बेटिं खालामनायाव खेब 6 जौसे रान आरो खेब 59 हाफ सेन्सुरि खालामखांबाय। बेनिनो खेब 65 निफ्राय बांसिन हाफ सेन्सुरि खालामबाय। बेनिनो 61 खेब

माहारियारि गेलेनायाव 56 मेचआव 47 जौखोन्दो लानानै 2204 रान खालामखांबाय। बिथाड मुलुगनाडारि क्रिकेट बादायलायनायनि मेनथामबो खोलोबआव जौसे रान खालामनो हानाय क्रिकेटार, जेराव बिराट कहलीआ टी-20 आव जौसे रान खालामनो हायाखै। टी-20 आव 30 गेलेगिरिफोरा 7 रोजानिखुइ

बांसिन रान खालामबाय। वेस्ट इन्डिजनि क्रिस गेलआ 14.276 रान लानानै गोख्रैसिन मासि आवग्रिनो हायो। बेनिनो वेस्ट इन्डिजनि कोरन पलार्ड, पाकिस्ताननि शीएव मालिक, अस्ट्रेलियानि डेविड वार्नर आरो बिराट कहलीआ लोगोयैनो 10 रोजा रानखौ खालामनो हादों। पाकिस्ताननि सा 3 बेटिं खालामग्राफोरा 7 रोजानिखुइ बांसिन रान खालामखांबाय। जेराव बाबर आरो मालिकनि अनगायैबो महम्मद हाफिजआ बे रानखौ बुनो हादों। बिथाड 7,314 रान खालामदों। भारतनि सा 4 गेलेगिरिफोरा बे फारिलाइआव थिसनजादों, मुंफोरा फारियै- बिराट कहली, रहित शर्मा, सुरेश रैइना आरो शिकर धवन।

रेन्जिसनि आखाइयाव लियनेल मेसिनि पिएसजि हाब्जाया गिबि खेब जेब्नादों

बार्लिन, 4 अक्टोबर: पेरिस एसटि जार्मेन हान्जाया सिजननि गिबि मेचखौ थानाय रबिबाराव रेन्जिस हान्जानि हेंथायै 2-0 गलनि फारागथिजों जेन्नो गोनां जायो। बेनि गेजेरजों लेग 1 नि गिबि पइन्टखौ खोमानानै लानानो गोनां जायो। मोनैबो हाफआव गेतेन लाबरदि आरो फ्लाबियान तैटनि गल सोनायनि हेफाजाबजों रेन्जिस हान्जाया देरहासारनायजों लोगोसे पिएसजिनि लान्थियै 8 खेब मेच देरहानायखौ फेलें खालामनो हायो। बेनि गेजेरजों पिएसजिआ 9 खेब बादायनायाव 24 पइन्ट लानानै फारिलाइयाव सेथि मासि आवग्रिनानै दं। 25-30 मिनिटखौ जौनि गेलेगिरिफोरा गोख्रोडै गेलेदोंमोन आरो जों मेचखौ देरहानायनि मिजिंथि लादोंमोन, नाथाय माखासे



समफोराव जौनि गेलेगिरिफोरा लोरबां जानायाव नैथि हाफनि गेलेनायाव 2-0 गलाव उन जानानै थानानायनि जाहोनाव जौनि गेलेगिरिफोरा लोरबां जादों होन्नानै पिएसजिनि कच मरिसिय पसिजिया बुडो। सेम्पियन लीगनि

बादायलायनायाव मन्चेस्टार सिटिनि हेंथायै देरहानो हादोंमोनब्लाबो लीगनि गिबि बादायलायनायाव नेइमार आरो माखासे गेलेगिरिफोरा गोख्रों गेलेनायखौ दिन्थिफुंनो हायाखै। लियनेल मेसिनि 25 मिटार गोजाननिफ्राय जोनाय प्रि

क्रिकआव बलआ क्रस बारआव नांनो फेलें जादोंमोन। नेइमार, एमबापे आरो मेसिमोनबादि गोख्रों गेलेगिरि थासेयावबो पिएसजि हान्जाया रेन्जिसनि आखाइयाव जेन्नो गोनां जायो। रेन्जिसआ 12 पइन्ट लानानै 11 थि सारियाव जायगा आवग्रिनो हायो, जेराव सेम्पियन लीगनि मोनै मासि गाहायाव दं। अलिम्पिक लियनिसआ 13 पइन्ट लानानै 10 थि सारियाव थादों, जेराव उफ्रा समाव एसटि पेटिनि हेंथायै 101 गलाव इ गेलेदोंमोन। लियननि गेलेगिरि हसिम आउआ गिबि हाफआव गल सोनो हादोंमोनब्लाबो सासे गेलेगिरिया रेड कार्ड होजानायनि जाहोनाव सा 10 गेलेगिरिफोराजों गेलेनांगो जादोंमोन। एसटि इटिनिआ 9 खेब गेलेनायाव मोनसेबो देरहानो हायाखै आरो 4 पइन्ट लानानै जोबथा सारियाव थानादों।

महम्मद सालेहनि गल सोनायजों लिभारपुलआ मन्चेस्टार सिटिजों इ गेलेदों

लन्डन, 4 अक्टोबर: लिभारपुल आरो मन्चेस्टार सिटिनि गेजेराव प्रिमियर लीगनि मोनसे मख 'जाथाव मेचआव इ गेलेदों। महम्मद सालेहनि गल जोसन्नायनि हेफाजाबजों लिभारपुल हान्जाया मन्चेस्टार सिटिनि हेंथायै 2-2 गलजों इ गेलेयो। गिबि हाफआव मोनैबो हान्जाया गल सोलायनो हायाखै मोनब्लाबो नैथि हाफआव मोनैबो हान्जाया



गोख्रों गेलेनायखौ दिन्थिफुंनो हादोंमोन। नैथि हाफआव सालानि गोख्रों गेलेना दिन्थिनायजों सादिय 'मानेआ गल सोनो हायो, बेनिनो 10 मिनिट उनाव मन्चेस्टार सिटिनि फिल फडेनआ गल सोफिनो हायो। लिभारपुलनि गेलेगिरि महम्मद सालेहआ गावनि वल्ड क्रस गेलेनायनि गेजेरजों 76 मिनिटआव गल सोनो हाफिनो, बेनि दसे

समनि उनावनो केबेन डि ब्राइआबो 81 मिनिटआव मन्चेस्टार सिटि हान्जानि जानानै गल जोसन्नो हायो आरो गेलेनायनि जोबथा समसिमाव मोनैबो हान्जानि गेजेराव गल सोलायनाया 2-2 स्करजों इ जायो। बे इ गेलेनायनि गेजेरजों फारिलाइआव सेलसिआ सेथि मासि, लिभारपुलआ नैथि मासि आरो मन्चेस्टार सिटिआ

थामथि मासि आवग्रिनानै थानो हायो। मन्चेस्टार सिटिनि कच पेफ गुवारडियलाआ मेच जोबखानायनि उनाव खौरां बिजोंनि सिगाडाव फोरमायथिनाय बादिब्ला मोनैबो हान्जायागो गोख्रोडै गेलेनाय दिन्थिफुंनो, नाथाय माखासे समआव रेफारिमेनि थांखि लानायखौ गाव गोजोन्नाय मोनाखै होन्नानै बुंथियो।



राइजोआरि सिबिथायफोरखौ थि समाव मोन्नाया ...नोंथांनि मोन्थाय



आसाम सुबुं सिबिथायनि मोन्थाय आइन, 2012 (2019 आव सोदांनाय बायदियै)

- फोरमायथियाव राइजोआरि सिबिथायफोरखौ थि समाव मोन्नाया नोगोरारिफोरनि मोन्थाय
- सुबुं सिबिथायनि फोरमायथिखौ थिखानाय समनि गेजेराव दिन्थिना होनाय
- आर'ज विलाइ थिसन्नायनि उनाव जमा होनायखौ रोखा फोरमायथिनाय
- जुदि आर'ज विलाइआ नेवसिजादोंब्ला सुबुं सिबिथायआव नेवसिजानायनि जाहोनाखौ लिर
- थिखानाय समनि गेजेराव सिबिथायफोरखौ मोनाखैब्ला आर'ज खालामनायखौ बिफानारि अज'द थिसन्नायनि राहा थागोन
- जुदि गोरोन्थियै आर'ज गावग्रानि थांखिया गनायथि जायाखैब्ला एबा मावफुं जायाखैब्ला नैथि आर'ज गावनायनि राहा
- सिबिथाय होनायाव गोहैलु एबा फेलें जानायाव बिफानारि जुरिमाना होनायनि राहा

आबुडे मिबथिनो थाखाय भिजिट खालाम: www.rtps.assam.gov.in / हेफाजाबनि थाखाय साखाथिनि पिएफसिआव थां

Any Query/ Grievance, Call:

1800-345-3574

Assam State Citizen-Centric Service Delivery Project

ACCSDP ARIAS Society

@accsdp_assam

सुबुं मुलाम्फानि थाखाय फोसाव जानाय:

खुंथायारि सोदांनाय, फोरोंथाय, पेन्सन आरो सुबुं अजद बिफान, आसाम सरकार
वर्ल्ड बैंकनि रांखान्थि हेफाजाबनि आवथायाव आसाम सिटिजेन-चेन्ट्रिक साभिस डेलिभारि प्रजेक्ट (एससिएसडिपि), एरियास ससाइटि



आर'ज गावनायखौ आबुडे मिथिनानै ला